



欽定天祿琳琅書目卷五

元版經部

周易本義啟蒙翼傳

一函
八冊

元胡一桂撰四卷前一桂自序

元史胡一桂字廷芳徽州婺源人精於易初饒州

德興沈貴寶受易於董夢程夢程受朱子之易於

黃幹而一桂之父方平及從貴寶夢程學嘗著易

學啟蒙通釋一桂之學出於方平得朱子源委之

正宋景定甲子一桂年十八遂領鄉薦試禮部不

卷五

第退而講學遠近師之號雙湖先生所著有周易

本義附錄纂疏本義啟蒙翼傳諸書並行於世按

景定甲子為宋理宗景定五年書中一桂自序作

於皇慶癸丑係元仁宗皇慶二年距景定甲子已

五十有二載其時一桂年已七十矣序稱先君子

懼愚不敏既為啟蒙通釋以誨之愚不量淺陋復

為本義附錄纂疏以承先志今重加增纂又成翼

傳四篇云云是一桂之究心周易克承家學亦非

一朝夕之故也是書字體版式規仿宋槧亦元刻



之佳者論學書以備覽至此最善大字韻書

尚書註疏

一函四冊

贈蘇轍自札但取野林之人與陸文忠

漢孔安國傳唐孔穎達正義二十卷前穎達序唐書孔穎達字仲達冀州衡水人八歲就學誦記日千餘言隋大業初舉明經高第授河內郡博士補太學助教唐太宗平洛授文學館學士屢遷至太子右庶子兼司業卒贈太常卿諡曰憲龜公武郡齋讀書志曰尚書正義二十卷穎達因梁費昶疏廣之唐儒學傳稱穎達與顏師古司馬才章王恭

卷五

二

王琰撰五經義訓百餘篇號義贊詔改為正義云

雖包貫異家爲詳博然其中不能無謬尤馬嘉運

駁正其失永徽中于志寧張行成高季輔就加增

損始布天下藝文志云穎達與李子雲王德韶等

撰朱長才蘇德融隋德素王士雄趙宏智覆審長

孫無忌李勣等二十四人刊定唐史志傳記事多

參差此爲尤甚所記撰著人姓氏穎達外往往不

尚書同云云今觀穎達自序所列撰校之人與藝文志

合不知儒學傳何以譌誤至此是書大字略仿顏

體註字筆畫亦復整嚴惜紙色稍差未能瑩潔

闕補序三

三耳更與周真金嫌本無異

書集傳

一函

手稿風態歸定卧同卦字參差不齊未

宋蔡沈撰六卷宋鄒近仁音釋前沈序並尙書纂

圖書傳序共六冊後附書序一篇

宋史蔡沈字仲默建州建陽人元定次子少從朱

子游朱子晚年欲著書傳未及爲遂以屬沈洪範

之數學者久失其傳元定獨心得之然未及論著

曰成吾書者沈也沈受父師之託沈潛反復者數

卷五

三

十年然後成書方年三十時卽屏去舉子業一以

聖賢爲師隱居九峯當世名卿物色將薦用之沈

不屑就鄒近仁宋史無傳考江西志近仁字季友

饒州人爲龍陽丞嘗叩道於楊簡一再語而頓覺

性至孝或干以利介焉弗受人告之過斂衽以服

所當爲雖強禦不畏著有歸軒集此書與宋版纂

圖互註毛詩周禮體式相同惟註字參差不齊未

能如宋槧耳毘陵周良金藏本無考

毘陵周氏九松
迂叟藏書記

周印
良金

俱朱文
每冊

詩傳通釋

一函
四冊

元劉瑾輯二十卷前載朱子詩集傳序詩序辨說
又詩傳綱領並外綱領

吉安府志載劉瑾安福人肆力治詩其說宗朱子
而間出其所自得又考正諸國世次作者時世察
其源流辨其音韻審詩樂之合窮刪定之由爲詩
傳通釋一書能闡發朱子之蘊今按是書以朱子
集傳爲主而博引諸家之說分注於下已說則標
以愚按二字其綱領首詩大序次經傳及宋儒論

卷五

四

詩之言外綱領首諸國世次圖次作詩時世圖次
源流章句音韻詩樂刪次並引用書目及諸儒姓
氏諸篇與府志所言昭合顧炎武日知錄云永樂
中命儒臣纂修五經大全春秋則全襲元人汪克
寬胡傳纂疏但改其中愚按二字爲汪氏曰及添
廬陵李氏等一二條而已詩經大全則全襲元人
劉瑾詩傳通釋而改其中愚按二字爲安成劉氏
曰其三經後人皆不見舊書亦未必不因前人也
昔日儒臣奉旨編纂諸書頒餐錢給筆札書成之

日賜金遷秩所費于國家者不知凡幾將謂此書
既成可以章一代教學之功啟百世儒林之緒而
僅取已成之書鈔贍一過上欺朝廷下誑士子唐
本宋之時有是事乎朱彝尊經義考云永樂中胡廣
等攘其成書爲大全今以大全較之輯注微有增
損小序則通釋附於每篇之後大全冠於全書之
首並加以圖二十有三爲稍異耳又引黃虞稷曰
瑾字公瑾安成人按安福縣在漢時爲安平安成
二縣境元成宗元貞閒嘗升爲安福州安成蓋古
邑名故瑾亦自署爲安成虞稷第沿而未考耳書
中詩傳綱領首葉於劉瑾署名次行有建安劉氏
日新堂校刊九字卷一末又有至正壬辰仲春日
新堂刻梓木記考至正壬辰爲元順帝十二年劉
氏未詳其名想亦當時書賈也

本朝劉體仁藏本有印記體仁字公猷江南潁州人
順治乙未進士官吏部考功郎著有蒲菴集餘印

無考

藍亭主人

朱文

希夔

白文

每冊

劉

白文

體仁

序

公

朱文

敵

外綱領

穎川

宋文天綱領卷四

欲訥子

白文

劉孝功

藏書印 卷十 卷六

禮經會元 一函 四冊

宋葉時撰四卷前元潘元明序時家傳六世孫廣

居識

葉時宋史無傳考咸淳臨安志及嘉靖浙江通志

載時仁和人淳熙十一年甲科累官至龍圖閣學

士卒諡文康著有禮經會元竹野集又兩浙名賢

錄載時字秀發博學善屬文尤邃於周禮為學者

卷五

六

所宗晚居嘉興悉與書首家傳脗合宋史藝文志

及鼂公武陳振孫馬端臨諸人書目皆不載是書

書中廣居識語稱滎陽公敦古尚治命錄梓以不

朽其傳云云則知此書在宋時並未刊行故不顯

於世滎陽為潘氏郡望前有海陵潘元明序作於

至正乙巳按乙巳為元順帝二十五年其結銜稱

滎祿大夫江渚行省右丞兼同知行樞密院事考

元史無元明傳明史太祖本紀載順帝二十六年

十一月李文忠下餘杭潘原明降凌迪知萬姓統

譜載潘原明泰州人初與張士誠俱起鹽徒爲浙
江行省平章事守杭州李文忠師至錢塘原明全城
歸降士誠由是勢孤兩書皆作原明與序中元明
元字音同字異第結銜相符其時亦合且泰州自
南唐以前皆稱海陵郡元明之爲泰州人信而有
辭徵其卽一人無疑成化杭州府志載廣居字居仲
仁和人天資超邁才力絕人爲古文詩詞援筆立
就仕至浙江儒學副提舉所著有自得齋集
書首有大中丞印無考

卷五

七

大中
丞印

朱文

序

闕補卷四 五十一之
五十三

儀禮圖 一函
八冊

宋楊復撰十七卷後附儀禮旁通圖一卷前載朱

子乞修三禮奏劄復自序陳普序

朱彝尊經義考載是書引明曾棨曰楊復因朱子
之意取儀禮十七篇悉爲之圖制度名物粲然畢
備以圖考書如指諸掌西山真德秀稱爲千古不

刊之典焉又引桂萼曰儀禮經朱子考證已定楊復圖尤爲明便其文雖屬難讀然因圖以指經因經以求義斯了然矣凌迪知萬姓統譜載復長溪人受業朱子與黃幹相友善著祭禮十四卷儀禮圖十四帙又有家禮雜說附著二說書首復自序稱復曩從先師朱文公讀儀禮求其解而不可得則擬爲圖以象之今所圖者則高堂生十七篇之書也釐爲家鄉邦國王朝諸禮則因先師經傳通解之義例也附儀禮旁通圖於其後則制度名物之總要也云云序作於紹定戊子按戊子爲宋理宗紹定元年後有陳普序未詳其人刊刻體式亦仿宋版而紙質黝厚非宋製也

附釋音春秋左傳註疏

六函
六十冊

疏宋其職而不可替

晉杜預註唐孔穎達疏陸德明音義共六十卷前

穎達春秋正義序

神財文善善益斷十四卷附音

崇文總目春秋正義唐國子祭酒孔穎達撰此書名曰附釋音春秋左傳註疏蓋仿宋版監本附音春秋公穀二書之例然元時監本已不逮於宋而

此乃屬坊刻宜其又遜一籌矣川溥公諱文五

闕補卷五十七二十八卷五十八二十七卷六十一二十九

春秋諸國統紀一函六冊國子監丞葉英宗鳴跋

元齊履謙撰六卷前元吳澄序履謙自序後齊思

恭跋土蔚軍跋武南溥公諱文吳登字世

元史齊履謙字伯恆父義善善算術履謙生六歲從

父至京師七歲讀書一過即能記憶年十一盡曉

推步之法十三從師聞聖賢之學自是以窮理為

務非洙泗伊洛之書不讀至元閒授星厯教授大

卷五

德中遷保章正仁宗即位嘉尚儒術擢國子監丞

改授國子監司業與吳澄並命時號得人未幾以

履謙僉太史院事至延祐元年復為國子司業後

拜太史院使卒於官至順三年贈翰林學士資善

大夫上護軍追封汝南郡公諡文懿吳澄字幼清

撫州崇仁人舉進士不第以元明善薦除江西儒

學副提舉繼以國子監丞遷司業英宗即位超授

翰林學士進階大中大夫移疾歸年八十五卒贈

江西行省左丞上護軍追封臨川郡公諡文正履

謙此書成於延祐四年乃復爲國子司業時所作其書始魯終吳合二十國而附錄諸小國亡國於後澄會與履謙同官深知其學因爲之序朱彝尊經義考載是書有柳貫跋此本無之而有思恭跋又經義考中所無思恭元史無傳跋稱履謙曰大兄司成君則知爲履謙之弟書中有禮部官書朱文長印與宋版通鑑紀事本末書中所鈐符合似亦明永樂間所採之本也

琴川毛氏藏本

卷五

十

元本

甲

俱朱文
澄序

汲古
主人
卷四

毛晉
朱文
之印
履謙序

汲古閣

朱文
目錄

毛氏
朱文
卷一
子看
卷五

東吳毛氏圖書

朱文
卷一
卷二
卷六

毛晉
朱文
卷二
私印
卷三

朱文
卷三
子晉
朱文
卷二
書印
卷六

子
汲古
閣

俱朱文
卷四

毛晉
朱文
之印
卷六

弦歌
草堂

白文

汲古得
朱文
修
綆
思恭跋

九經

三函
十二冊

周易尚書毛詩春秋禮記孝經論語孟子爾雅小爾雅附中庸大學重出各經序文傳註俱不載

此書專刻經文無校刊人姓名亦不載鏤版年月
易經後有識語云茲刻易文諸卦皆仿乾卦或疑
大學之曰分經分傳以別篇卷分經合傳以便贊釋此
古文今文各有所取茲不然者何也曰古文別而
病其離今文便而病其碎此程朱傳義所以更張
不一者也茲使義文周孔之易別而不離便而不
碎殆古人玩易之舊也漢儒分經合傳爻辭不可
相屬傳贊亂其成韻矧象曰之綴疊僭妄不稽尤
不若古文之可安也曰漢儒之僭妄何稽乎曰以

卷五

十一

乾卦也又學庸後識語云學庸本二戴類編之經
二程揭出示要領也今刻古文一仍其舊而二篇
重出便四書之尚也至善堂記按至善堂當是書
賈坊名其專刻經文蓋取便於行篋所攜亦仍宋
槧巾箱九經之意刊手印工雖非草草而欲如巾
箱本之密行細字倍見精瑩者已出其下矣

大學衍義

四函
二十冊

宋眞德秀撰四十三卷前德秀進表劄子申狀并

序

吳用 宋史德秀字景元後更爲景希建之浦城人登慶
道元五年進士第繼中博學宏詞科由太學正累官
至參知政事三乞祠祿進資政殿學士提舉萬壽
觀兼侍讀卒諡文忠其自泉州入爲戶部尙書時
以大學衍義進上嘉納之德秀申狀稱端平元年
十月初二日進入次日後殿聚講論所進大學衍
義一書有補治道旋於十四日輪當進讀大學章
句旣畢忽蒙聖訓卿所進衍義便合就今日進讀
德秀私謂前所進本已納禁中必須令講筵所別
寫然後可以進讀遂以未辦爲對聖訓云已在此
矣卽見內侍捧元進第一第二帙在前云云則理
宗之重是書亦已至矣此本規仿宋槧摹印俱工
實元版之最佳者惜紙質堅而未緻耳

卷五

五

御題大學八條著爲聖經而眞西山衍義一書首剝聖
賢性命之精旁采古今治亂之迹發揮經術燦若列眉
誠孔氏之功臣也坊賈傳刊率多譌繆此書雕鏤精善
尙屬元刻舊本每一披覽心目豁然藉是或得仰窺聖
奧用臻治理則補裨寧有涯涘耶甲子小春下泮御識

鈴

寶三曰幾暇臨池曰稽古右文之璽曰讀書析理

東宮書府印無考

東宮

朱文表 卷五 卷十 卷十四 卷十九

書府

卷二十三 卷二十五 卷三十九 卷五十二

樂書

六函 三十六冊

宋陳暘撰二百卷前宋楊萬里序次暘進表并序

次趙挺之請寫錄樂書劄子准行詔旨樂書目錄

正誤樓鑰序陳芾題辭後陳岐林于沖三跋

卷五

五

陳振孫書錄解題曰樂書二百卷祕書省正字三

山陳暘撰建中靖國初進之為禮書陳祥道其兄

也其書雅俗畢備博則博矣未免於蕪穢也考宋

史陳暘字晉之福州人中紹聖制科授順昌軍節

度推官徽宗初進迓衡集以勸導紹述得太學博

士祕書省正字進鴻臚太常少卿禮部侍郎以顯

謨閣待制提舉醴泉觀建中靖國元年趙挺之劄

子稱暘所著樂書卷帙既多無力繕寫臣欲乞依

祥道例特賜筆吏畫工寫錄圖畫進獻云云徽宗

從之並以詔書褒賜有成書甚富眾論所稱差進厥官以爲爾寵之語宋史挺之字正夫密州諸城人進士上第由登棣二州教授累官至右僕射卒諡清憲樓鑰序云樂家之書未有此比而又苦其舛誤無所考證聞建昌陳史君刊此書與禮書並傳取而校正復爲質之經傳尙三數百條會陳子芾爲南豐宰因以寄之南豐欲別刊此編以補郡本之缺求書其後云云其序作於嘉泰二年所稱陳史君卽作跋之陳岐跋作於慶元己未按己

卷五

五

未爲宋寧宗慶元五年至七年改元嘉泰是此書在徽宗時祇經寫錄逮岐始爲刻梓而芾又別刊之三年之中兩付剞劂矣此本字多俗體如禮作禮興作與之類雖係元翻宋刻而筆畫清朗紙墨俱佳固元刊之傑出者也宋史樓鑰字大防明州鄞縣人隆興元年試南宮有司偉其辭藝欲以冠多士策偶犯舊諱知貢舉洪遵奏得旨以冠末等由溫州教授累官至參知政事卒贈少師諡宣獻陳岐陳芾林子冲宋史俱無傳凌迪知萬姓統譜

林子冲字通卿自號岫雲居士侯官人之奇從子
學問德業有聲鄉里閒士宗之者數百人淳熙中
登進士第初爲南豐簿時郡守陳岐欲修二陳禮
樂書以子冲大儒之後延以特榻子冲隨文釋義
訂正頗多書中有禮部官書朱文長印似亦爲明
臨文永樂閒所採輯者

御題宋陳暘樂書二百卷與其兄祥道所著禮書並傳
於世其閒網羅放失參攷古今損益之故犁然具備而
女樂一篇尤足垂千古炯戒楊萬里序中特著明之意

卷五

五

深遠矣幾暇閒披有資君德夫豈獨雕鏤精好輝映東
壁耶乾隆甲子秋分後二日御題鈴

寶二曰稽古右文之璽曰乾隆宸翰

說文解字 一函 六冊 刻碑春

漢許慎撰宋徐鉉校定三十卷前標目一卷第十
五卷上載慎原序次說文解字總部十五卷下載
許慎之子許冲進表次徐鉉等進校定說文表又
新修字義并鉉等進校定說文解字表敕校定說
文解字牒文

馬端臨文獻通考引鼂公武曰漢太尉祭酒汝南
許慎叔重纂李陽冰刊定徐鉉再是正之又增加
其闕字陳振孫曰凡十四篇并序目一篇各分上
下卷凡五百四十部九千三百五十三文重一千
崇百六十三雍熙中右散騎常侍徐鉉奉詔校定
以唐李陽冰排斥許氏爲臆說末有新定字義三
條其音切則以唐孫愐韻爲定考宋史徐鉉字鼎
臣揚州廣陵人十歲能屬文與韓熙載齊名初仕
吳繼仕南唐逮宋由太子率更令歷官右散騎常
侍遷左常侍精小學好李斯小篆臻其妙隸書亦
工嘗受詔與句中正葛湍王惟恭等同校說文今
書中鉉進表後結銜四人與史傳合葛湍王惟恭
宋史無傳句中正字坦然益州華陽人孟昶時授
崇文館校書郎復舉進士及第爲曹潞三州錄事
參軍精於字學古文篆隸行草無不工太平興國
二年獻八體書授著作佐郎直史館歷官屯田郎
中書後雍熙三年敕新校定說文解字牒文稱其
書宜付史館仍令國子監雕爲印版依九經書例

許人納紙墨價錢收贖兼委徐鉉等點檢書寫雕
造無令差錯致誤後人云云按宋時監本刻印尤
精此書雖仿其式而版之長短無定紙之質理亦
粗以牒所稱何如鄭重不當有此其爲元時翻刻無疑
大明正德十二年四月初八日收頤齋徐獻忠記
大明萬曆六年八月望日收瑞龍龔從先記以上俱
六冊末
右識語二朱彝尊明詩綜小傳徐獻忠字伯臣松
江華亭人嘉靖乙酉舉人知奉化縣及卒友人私
諡曰貞憲先生有長谷集龔從先未詳其人元柯

卷五

七

九思盛懋明莫如忠俱經收藏有印記徐顯稗史
集傳柯九思字敬仲台州仙居人遇文宗於潛邸
及卽位置奎章閣特授學士院鑒書博士凡內府
所藏法書名畫咸命鑑定鄒衡嘉興志補盛懋字
子昭臨安人僑寓嘉興善畫明史莫如忠字子良
嘉靖十七年進士累官浙江布政使善草書詩文
有體要餘印無考

子朱文

下六
端

白文

莫印

白文

華亭朱克裕
家藏圖書記

朱文八分

龔徵
民印

悅山

朱文 俱標目 卷三 卷六上
卷上 卷十一 卷十四

獻忠 朱文
家藏 標目

卷三下 卷四上 卷六下 卷七上 卷九下
卷十一 卷十三 卷十五 牒文

林泉 朱文 標目 卷四上
清趣 卷七上 卷十一

天

朱文 標目
卷十一 卷十二

徵

民 白文
標目

柯九

白文 卷三下 卷五 卷七下
思印 卷十下 卷十三 牒文

徐

獻忠 朱文 卷四上之卷七上
家藏 卷八上之卷十五下

仲謀

朱文
卷十一

卷五

文

瑞

徵

俱朱文
牒文

大廣益會玉篇 一函
十二冊

梁顧野王撰唐孫強增三十卷前有大中祥符六年都大提舉玉篇所牒及字數野王序啟各一首玉篇廣韻指南一卷

此書較宋版大廣益會玉篇尺寸加贏紙色墨光遜其古潔篇目字數兩書相同而此多玉篇廣韻指南一卷按隋陸法言撰廣韻五卷宋陳彭年等

本重修之其書與玉篇不相涉馬端臨文獻通考載
玉篇三十卷像文玉篇二十卷玉篇解疑三十卷
重修玉篇三卷未見有於玉篇之下綴以廣韻五
字者則此乃強爲牽合非復宋槧之舊明矣
元趙孟頫藏本有水晶宮道人印孟頫以湖州四
面皆水自號水晶宮道人解縉春雨集云趙文敏
公早歲喜畫梅印以水晶宮圖書浙中有瑪瑙寺
或戲以爲對遂不用又有鮮于樞仲溫吳寬三泉
米萬鍾王鐸錢謙益諸印考陶宗儀書史會要鮮

卷五

九

于樞字伯機號困學民漁陽人官至太常寺典簿
高啟南宮生傳宋克字仲溫吳人自號南宮生明
史邵寶字國賢無錫人學者稱爲二泉先生成化
二十年進士歷官南京禮部尙書卒贈太子太保
諡文莊孫承澤畿輔人物志米萬鍾字仲詔其先
關中人徙京師萬曆乙未進士仕至太僕寺少卿
著篆隸考論二卷王鐸字覺斯河南孟津人明天
啟二年進士
本朝官禮部尙書吳寬錢謙益見前餘印無考

內殿

秘書

朱文 御府 朱文

木晶宮 道人

鮮印

俱白文

之印 牒文

仲 書 御 署 禁 隱 書 五 卷

溫 尉 卒 印 子 逸

吳 俱 朱 文

米印

白文

珥 士 精 文 精 刻 其 意 如 夫 郎 印 白 文 丞 對 讀

二泉

米文

錢印

白文

丞 對 讀

鐸 俱 序 首

謙益

參

俱指南首

闕補卷二十三

六書正譌

一函

元周伯琦撰五卷前琦自序後元吳當序

卷五

三

元史周伯琦字伯溫饒州人幼從父應極游宦京

師入國學爲上舍生蔭授將仕郎南海縣主簿游

擢翰林修撰日被顧問眷遇益隆歷官浙西肅政

廉訪使江南行臺監察御史尋假參知政事招諭

張士誠士誠降拜資政大夫江浙行省左丞後歸

鄱陽卒伯琦博學工文章而尤以篆隸真草擅名

當時嘗著六書正譌說文字原二書其序稱許慎

氏爲說文解字學者有所依據李陽冰附新義以

廣其旨徐鉉增翻切以明其音鉉弟錯撰通釋以

衍其義雖或辨其舛戾而猶淆以俗體張有次復古編鄭樵作六書略戴侗述六書故莫不原於許氏然張失之拘鄭過於奇戴病於雜閒嘗撫字書之常用而疑似者以聲類之參稽古法集而書之凡二千餘字名之曰六書正譌以刊傳寫之謬云云今觀書中篆法深合史籀準繩或卽伯琦所自作刊手亦頗得用筆之妙乃元版中不可多得之本吳當字伯尙澄之孫用薦者爲國子助教預修宋遼金三史除翰林修撰歷官中奉大夫江西行省參知政事陳友諒陷江西諸郡遣人辟之當不爲屈隱居著書以終其身見元史

元版史部

史記

六函六十冊

漢司馬遷撰宋裴駟集解唐司馬貞索隱張守節

正義一百三十卷前駟集解序次貞史記索隱序

補史記序張守節正義序論列諡法解

陳振孫書錄解題載史記一百三十卷漢太史夏陽司馬遷撰宋南中郎參軍河東裴駟集解張晏

曰遷沒之後亡景武紀禮樂兵書漢興將相年表
三王世家日者龜策傳靳蒯成列傳元成之間褚
先生補作武紀三王世家日者龜策傳顏師古曰
史記本無兵書張說非也今按褚所補皆不足觀其餘

六篇未知何人所補也褚名少孫裴駟卽注三國
志松之之子始徐廣作史記音義駟本之以成集
解云云又載史記索隱三十卷唐宏文館學士河
內司馬貞撰採摭異聞釋文演注末二卷爲述贊
爲三皇本紀世號小司馬史記又載史記正義三

卷五

三

十卷唐諸王侍讀張守節撰據此則索隱正義二
書本各單行後人取而合之耳是書目錄并以貞
所補三皇本紀居卷一之首尤失其舊版係翻刻
宋槧未爲工整

闕補卷五 二十三 卷九十二 四十六 卷九十七 三十一

史記

六函
六十冊

篇目同前

此卽前版而摹印在先較爲清朗

闕補集解序

四 卷六十七 十六 卷一百十八 八

史記

六函
六十四冊

篇目同前闕集解序

史記五錄三序

史記此書亦同前版內有安氏家藏印考常州志安國
字民泰無錫人居積諸貨人棄我取贍宗黨惠鄉
里乃至平海島濬白茅河皆有力焉父喪會葬者
五千人嘗以活字銅版印吳中水利通志又目錄
後有表章經史之寶乃為木刻係別紙所印移黏
於此此出書賈作偽之手不足登載

卷五

三

安氏家藏

朱文 索隱序
卷一

闕補卷四二卷五

二十

卷八

三十三

卷十六

三

十三卷十八

五十六

卷二十一

七

卷三十五

一

卷

九十一

八

卷九十七

九

卷一百十二

十

卷一百二

十九

四

史記

六函
六十冊

闕補

內

自

宋

蘇

州

志

安國

篇目同前闕索隱補史記正義三序

史記此書目錄後有大宋紹興五年王氏梅溪精舍鐫

刻隸書木記乃割取別本以黏接者實與前三部
同出一版

錫山邵寶安國俱經收藏寶安國見前橋李郁氏

無考

橋李郁氏家藏

錫山二泉邵氏家藏

大明錫山桂坡安國民大氏書畫印

俱白文集解序

闕補卷十六二十九

史記

六函六十冊

篇目同前闕集解序

卷五

書

此係宋印不全之本參入元刻以成完書雖所存者僅十之二三而宋槧面目猶未盡泯亦足為吉光片羽之珍也

樂安沂水王應瑞二印無考

樂安沂水鑒藏

天水王應瑞

白文

仲祥章

卷五十六

闕補卷二十四卷十一卷二十二卷四十五

四十二卷一百三史百官志卅賦至元二十八平效

漢書

八冊

八十冊晉書

漢班固撰唐顏師古注帝紀十二卷年表八卷志

十卷列傳七十卷共一百卷前師古敘例目錄後

元孔文聲跋

孔文聲跋云江東建康道肅政廉訪司以十七史

書艱得善本從太平路學官之請徧牒九路令本

路以西漢書率先俾諸路咸取而式之置局于尊

經閣致工於武林三復對讀者耆儒姚和中輩十

卷五

五

有五人重校修補者學正蔡泰亨版用二千七百

七十五面工費具載學記茲不重出始大德乙巳

仲夏六日終是歲十有二月廿四日太平路儒學

教授曲阜孔文聲謹書跋後列承務郎太平路總

管府判官劉遵督工江東建康道肅政廉訪副使

伯都提調元史伯都

今改正
白巴圖

幼穎異能不以家世

自矜長嗜書史大德五年擢江東廉訪副使累官

至江南行臺御史大夫孔文聲劉遵蔡泰亨姚和

中俱無考按元史百官志世祖至元二十八年改

按察司曰肅政廉訪司後於每道置廉訪使二員副使二員今跋中所稱廉訪司未載其名不知誰氏又云徧牒九路元史地理志載江東建康道所隸者爲寧國徽州饒州集慶太平池州信州廣德入路鉛山一州是鉛山無路之名而所云九路者豈以州爲路亦可通稱耶其跋作於大德乙巳係元成宗大德九年考成宗本紀大德九年五月改各道肅政廉訪司爲祥刑觀察使十月仍復舊名此書成於十二月稱廉訪司與本紀合當時以百卷之書仲夏開雕逮臘月而卽蕝事計工不爲不速獨惜其摹印草草較宋刊則遠甚矣

馮李項氏藏本

卷五

五

世濟美堂
項氏圖籍

項子京
家珍藏

俱朱文 敘例
目錄 卷上下

晉書

四函
三十冊

唐太宗御撰帝紀十卷志二十卷列傳七十卷載記三十卷共一百三十卷後載唐處士何超音義楊齊宣音義序

鼂公武郡齋讀書志曰晉書一百三十卷唐房喬等撰喬以宣武紀陸機王羲之傳論止所自爲故曰制旨又總稱御撰焉馬端臨文獻通考引夾漈鄭氏曰古者修書出於一人之手成於一家之學班馬之徒是也至唐始用等手晉隋二書是矣然亦隨其學術所長者而授之如李淳風于志寧之徒則授之以志顏師古孔穎達之徒則授之以紀所以晉隋二志獨爲詳明也此書版式尺寸與前

卷五

七

所載史記相類其字畫紙墨亦同皆一時摹仿宋槧之本

古史

二函
十二冊

天文地理圖譜之學

宋蘇轍撰本紀七卷世家十六卷列傳三十七卷

共六十卷前自序後自志

取李淳風于志寧之

朱子古史餘論曰近世之言史者惟此書爲近理其序言古帝王爲善不爲不善之意非近世論者所能及而論史遷以爲淺近而不學疏略而輕信亦中其病又云蘇氏之學大抵橫邪曲直惟其意之所欲少公資稟靜厚故此書於一時正見頗明

貞尚 若長公之志林不逮遠矣陳振孫書錄解題曰其
書因馬遷之舊上觀詩書下考春秋及秦漢雜錄
爲本紀世家列傳蓋漢世古文經未出戰國諸子
各自著書或增損故事以自伸其說遷一切信之
甚者或采世俗相傳之語以易古文舊說故爲此
史以正之云云馬端臨文獻通考載是書後有雁
湖李氏跋今此本無之其非宋槧無疑卷七後別
行刊左迪功郎衢州司戶參軍沈大廉同校勘卷
十六後別行刊右修職郎衢州錄事參軍蔡宙校

卷五

天

勘兼監鏤版宙無考兩浙名賢錄載沈大廉字元
簡瑞安人宋建炎進士歷遷樞密院計議官紹興
更化拜監察御史遇事敢言無所顧望給事中周
葵中書舍人凌景夏相繼罷斥大廉俱力言之不
報自以不得其言求外補時論翕然重之

闕補卷十八三十九卷二十一二十二卷二十三

三十六三十七卷四十一四十二卷四十二四十三卷

四十九五十卷五十九六十卷六十三六十四卷

資治通鑑二百八十冊八百八十冊數數矣

宋司馬光撰二百九十四卷胡三省音註前三省
序後光進表神宗獎諭詔書并尙書省奉旨下杭
州鏤版劄子校定刊進諸臣銜名又附三省釋文
辨誤十二卷并跋并不回不轉姑各文曰辨誤
量公武郡齋讀書志曰司馬溫公自謂精力盡於
此書神宗賜名資治通鑑御製序以冠其首云云
今此書不載神宗序三省序稱史漢自服虔應劭
至三劉註解多矣章懷註范史裴松之註陳壽史
雖間有音釋其實廣異聞補未備以示博悉疏其
所以然若釋文之舛謬悉改而正之著辨誤十二
卷云云是三省此序係專爲音註而作故釋文別
有跋也通鑑後列光進表并詔書劄子及諸銜名
蓋存杭州初刻之舊其釋文辯誤之作以史炤本
公休本費氏龍爪通鑑皆譌謬相傳公休本刻于
海陵亦非公休所作不可不辯故名之曰辯誤考
台州府志三省字身之監海人寶祐間進士終朝
奉卽因資治通鑑音義釋文各本乖異刊正爲廣
註九十七卷著論十卷以薦參賈似道軍言輒不

用歸而遇亂失前書復購他本爲之注始以考異及所著者散入通鑑各文之下別註辯誤十三卷又有行素稿一百卷按宋史賈似道以德祐元年乙亥免官今書中三省之序作於乙酉年蓋元世祖至元二十二年其跋作於丁亥則二十四年也祕閣之印無考一百四十五卷一百六十六卷

祕閣之印

朱文

每冊

闕補序文三卷十二卷十四卷十五

卷五

三

卷五十三卷六十四卷六十七卷七十一

卷七十六卷八十五卷一百三十四卷一百

二十五卷一百四十九卷一百七十六卷一百

八十八卷一百八十四卷一百九十四卷二百八

十一卷二百八十三卷二百八十六卷二百九十四

卷二百九十八卷二百九十九卷三百一十一卷三百一

十四卷三百一十五卷三百一十八卷三百二十一卷三百二十四

卷三百二十七卷三百三十卷三百三十一卷三百三十四

卷三百三十七卷三百四十卷三百四十一卷三百四十四

卷二百六十五 九 卷二百七十四 五 卷二百八十

二十七 卷二百八十三 二十 卷二百九十三 十四

卷二百九十四 三 對 卷 九 祖 官 與 史 亂 合 限 映 出

資治通鑑 二十函 一百六十冊 版 史 輝 冊 脈 至 元 二十 年 五 月

篇目同前有元王磐序端緒事之難念而審戲用

此書即前版而字畫清朗紙質亦較明淨蓋摹印

稍先也書首多王磐一序考元史王磐字文炳廣

平永年人至大四年擢經義進士第累官翰林學

士遷太常少卿以年老屢乞骸骨進資德大夫致

卷五

仕年九十二卒贈端貞雅亮佐治功臣太傅開府

儀同三司追封洛國公諡文忠其序稱朝廷於京

師册立興文署署置令丞并校理四員厚給祿廩

召集良工刻刻諸經子史版本流布天下以資治

通鑑為起端之首可為識時事之緩急而審適用

資治之先務云云按元史載世祖至元二十七年正月

立興文署掌經籍版磐序所言與史脗合則知此

書乃元時官刻本也 三 卷 二 百 六 十 三 十 四

武陵顧從德藏本從德見前 七 四 卷 二 百 六 十

武陵

顧印 俱自夏 卷一 卷四 卷七 卷十 卷十三
從德 卷十六 卷十九 卷二十一 卷二十五 卷二十八
卷三十一 卷三十四 卷三十七 卷四十 卷四十三

卷四十六 卷四十九 卷五十二 卷五十五 卷五十八 卷六十一

卷六十四 卷六十七 卷七十 卷七十三 卷七十六 卷七十九

卷八十二 卷八十五 卷八十八 卷九十一 卷九十四 卷九十七

卷一百一 卷一百四 卷一百七 卷一百十 卷一百十三 卷一百十六

卷一百十九 卷一百二十二 卷一百二十五 卷一百十八 卷一百二十一 卷一百二十四

卷一百二十七 卷一百三十 卷一百三十三 卷一百三十六 卷一百三十九 卷一百四十二

卷一百四十五 卷一百四十八 卷一百五十一 卷一百五十四 卷一百五十七 卷一百六十

卷一百六十三 卷一百六十六 卷一百六十九 卷一百七十二 卷一百七十五 卷一百七十八

卷一百八十一 卷一百八十四 卷一百八十七 卷一百九十 卷一百九十三 卷一百九十六

卷一百九十九 卷二百零二 卷二百零五 卷二百零八 卷二百一十一 卷二百一十四

卷二百一十七 卷二百二十 卷二百二十三 卷二百二十六 卷二百二十九 卷二百三十二

卷五

三

卷二百三十五 卷二百三十八 卷二百四十一 卷二百四十四 卷二百四十七 卷二百五十

卷二百五十三 卷二百五十六 卷二百五十九 卷二百六十二 卷二百六十五 卷二百六十八

卷二百七十一 卷二百七十四 卷二百七十七 卷二百八十 卷二百八十三 卷二百八十六

卷二百八十九 卷二百九十二 卷二百九十五 卷二百九十八 卷三百零一 卷三百零四

卷三百零七 卷三百一十 卷三百一十三 卷三百一十六 卷三百一十九 卷三百二十二

卷三百二十五 卷三百二十八 卷三百三十一 卷三百三十四 卷三百三十七 卷三百四十

卷三百四十三 卷三百四十六 卷三百四十九 卷三百五十二 卷三百五十五 卷三百五十八

闕補卷二百二十九 二十七 卷二百四十二 二十七

二十 卷二百四十六 卷二百八十一 二十七

資治通鑑綱目 三函 十八冊

宋朱子撰五十九卷元王幼學撰集覽前載朱子及幼學序例各一篇

朱子資治通鑑綱目宋時廬陵刊本已載前矣此
爲幼學作集覽既成刻梓以行於世者序例後有
歲在上章敦牂孟夏魏氏仁實書堂新刊分書木
記魏仁實應是當時書賈姓字幼學序稱編始於
大德己亥迄於延祐戊午積二十年七易稿而編
甫成以其薈萃叢集頗可省覽因題之曰通鑑綱
目集覽云云是幼學之作是書用心良苦考安慶
府志幼學字行卿望江人博覽經史宗程朱之學
至元間躬耕慈湖之坂與學者講道不輟時稱爲
慈湖先生

卷五

明厲文暉藏本凌迪知萬姓統譜載文暉名昇無
錫人性狷介與人不苟合以歲貢入胄監授浙江
青田知縣持公秉廉孜孜愛民去二十年邑人猶
懷慕其德立生祠祀之

本朝泰興季氏亦經收藏

溫柔
敦厚

錫山
厲氏

文暉
之章

俱朱文 朱子序文 卷四
卷九 卷十一 卷十三 卷六
卷二十 卷二十三 卷二十六 卷三十九

卷三十三 卷三十六 卷三十九 卷四十二
卷四十五 卷四十八 卷五十一 卷五十二
卷五十四 卷五十七

季振宜 朱文 王序
藏書 目錄 卷一

資治通鑑綱目 六函 五十九冊

宋朱子撰五十九卷前自序

是書綱目並列係照宋廬陵本刊梓然版之尺寸較縮字畫紙墨亦遠不相及此宋槧所為尤可寶也

也

明顧仁效藏本考王鏊震澤集有陽山草堂記云

顧仁效結廬陽山之下棄去舉子業獨好吟咏兼

工繪事坐對陽山拄頰搜句日不厭或起作山水

本人物悠然自得人無知者

卷五

畫

本朝泰興季氏亦經收藏餘印無考

季滄葦
圖書記

御史
之章

季印
振宜

滄葦
葦序

俱宋文

季振宣
藏書

朱文
卷一

顧印
仁效

白文 卷一 卷三 卷九 卷十一 卷十三 卷十六
卷十九 卷二十一 卷二十五 卷三十 卷三十三 卷三十六
卷三十九 卷四十二 卷四十五 卷四十八 卷五十一 卷五十四

卷五十一
卷五十二
卷五十三

白鹿書院山
長樂杞校藏

朱文 卷一 卷三 卷九 卷十一 卷十三 卷十六
卷十九 卷二十一 卷二十五 卷三十 卷三十三 卷三十六
卷三十九 卷四十二 卷四十五 卷四十八 卷五十一 卷五十四

卷四十一
卷五十一

卷四十四 卷四十六 卷四十八 卷五十二 卷五十四

靜學
文房
之印

朱文
卷十二

知溫州以樞起官時考之正不相遠其序作於寧宗元年距官永嘉之日二十餘載是在樞既歿之後也

明文徵明文伯仁王寵藏本有玉蘭堂五峯樵客王履吉諸印皆見前

本朝季振宜亦經收藏其用宋本印蓋因樓鑰序中有公之季子守潮陽欲鈔版以廣其傳語然書之字體結構與宋槧本不同且印工墨色亦欠精朗其為優絀固不能自掩耳餘印俱無考

卷五

五

朱文 季振宜 朱文序目錄十七冊十九冊
每冊一藏書 三冊之三十一冊 三十一冊之四十一冊

季振宜 朱文
字說令 號滄葦 首冊之三冊

三冊之十一冊 十三冊 十五冊 十六冊 二十冊之三十一冊

三十一冊之三十五冊 三十六冊 四十一冊

古吳 白文目錄 三十一冊 二十九冊
王氏 三十七冊 三十九冊 四十一冊

御史之章

季印 振宜

滄葦

朱文 俱目錄

季印 振宜

滄葦

朱文 首冊 主冊 十四冊

梅谿 精舍

白文首冊 十冊 十五冊 十九冊 二十四冊 二十八冊 三十六冊 四十一冊

梅華 屋

白文 三冊

王印 履吉

白文 四冊

尊餘 白文 四冊 七冊之二十四冊
堂印 二冊之三四冊 三冊之四冊

翠竹 白文 五冊
齋 四十冊
樵客 六冊 四冊

趙汝 師藏 書印

白文 七冊 九冊 十冊 五冊 十七冊
十九冊 三冊 三冊 二七冊 二九冊
三冊 三三冊 三十七冊 三十九冊

鐵硯 齋
白文 七冊 三冊
三冊 四冊

五蘭 白文 八冊 十三冊 三十七冊
堂 三十一冊 三十五冊 四十一冊

江左 朱文 九冊 春草 白文 十一冊
十四冊 四冊 堂印 四十一冊

竹塢

朱文 十一冊 十八冊
三冊 三九冊 四十一冊

季印 朱文 十四冊
振宜 十九冊

滄 白文
葦 十四冊

卷五

毛

毛良字 華伯號 質菴 白文 三冊

闕補卷一 五十卷 三 四十

十七史詳節 十二函 九十六冊

宋呂祖謙撰二百七十三卷

宋史經籍志載呂祖謙大事記二十七卷宋通鑑

節五卷通鑑節要二十四卷又祖謙傳大事記之

外載讀詩記考定古周易書說闡範官箴辨志錄

歐陽公本末諸書皆不及十七史詳節宋鼂氏陳

氏馬氏書目亦均不錄惟明焦竑經籍志有呂祖謙十七史詳節二百八十三卷較此本又多十卷今觀書中標題或稱東萊先生增入或稱東萊校正而兩漢書及新唐書則標爲諸儒校正體不書一是此書卽爲東萊所作亦屬未完之本其版仿宋巾箱本式而刻印草草似是書賈所爲故前後俱無序跋不知焦竑何所據也

明周伯器藏本考嘉興府志伯器名鼎嘉善人正統中官汴陽典史有桐村疑舫齋土苴集餘印無

卷五

五

考中官汴陽典史有桐村疑舫齋土苴集餘印無

天台下邳 朱白相間文 史記序 目錄 卷上 卷中 漢書目錄 余氏恆齋 書籍印 綱目 卷十 卷十一 卷十二 卷二十一 三國志卷一 卷二十

晉書目錄 卷一 卷五 卷十六 卷三十三 南史目錄 卷一 卷十五 唐書表 卷三十三 卷三十四 卷三十六 卷四十五 卷四十六 卷六十五 五代史序 卷一

伯器 朱文 樹連 白文 周氏 朱文 隋書目錄 之章 東漢書卷十八 北史卷五十六 保之 卷一 卷十一

闕補史記卷八 九 卷九 六 兩漢書卷二十 十二 卷

二十一 三 卷二十三 三十 卷二十五 九

十七史纂古今通要

一函六冊

前集十七卷元胡一桂撰子昌祖正音註後集三

卷元董鼎撰前集載元汪良臣序一桂自序並歷

代帝王國都疆理統系傳授三圖

宋文

一桂見前此書始三皇終五代未載宋金之事董

鼎因續纂以成之其大旨皆本朱子綱目而間採

先儒論斷附以己意考江西志董鼎字季亨饒州

德興人自幼力學受業於黃幹得其端緒嘗著書

傳纂疏以行於世汪良臣無考其序後結銜為承

卷五

五

務郎江南行臺監察御史

其

明張南伯藏本南伯吳人金賚書史會要南伯工

墨梅

張南伯

俱朱文

江序

雲

南

俱朱文

遺孫

張氏南伯

子孫

白文

其承

朱文

後集卷一

唐國史補

一函一冊

唐李肇撰分上中下三卷前肇自序

歐典 鼂公武郡齋讀書志曰唐李肇撰國史補起開元

止長慶間事初劉餗記元魏迄唐開元事名曰國

朝傳記故肇續之考崇文總目於肇國史補外又

載林恩補國史六卷高若拙後史補三卷而鼂氏

讀書志中皆不載是當時所重者惟肇所補之書

賈二 此本密行小字製甚工整雖墨光稍遜而刊手印

字觀 工咸出上選目錄後有董氏萬卷堂本篆書木記

雖入較元槧他書木記獨精此書賈中不苟於刻梓者

御題是書採摭開元至長慶故事以補國史之遺凡三

卷五

早

百有六節軼事方言頗資觀覽其間采取各條亦間有

載入正史者是序文所云慮正史之或闕非盡闕也其

字蹟刻畫精能當推為元本之冠乾隆御識鈐書木質

寶二曰幾暇臨池曰稽古右文之璽伏辭綴而許乎昭

錢謙益藏本有牧翁蒙叟如來真子天子門生三

印林恩蘇園史六卷高若拙後史補三卷而鼂氏

牧翁 朱文 序 蘇園史 蘇園史 蘇園史

蒙叟

卷一

天子 如來真子 門生

朱文 目錄

蘇園史

通典 三函 十八冊 蘇園史 蘇園史 蘇園史

唐杜佑撰二百卷前唐李翰序佑自序

鼂公武郡齋讀書志曰唐宰相杜佑撰先是劉秩采經史自黃帝迄天寶末制度沿革倣周禮六官法爲正典三十五篇佑以爲未盡因廣之參以新禮爲二百篇德宗時上之考唐書杜佑字君卿京兆萬年人以蔭補濟南參軍事累官至同中書門下平章事拜司徒封岐國公卒贈太傅諡曰安簡李翰趙州贊皇人擢進士第調衛尉張巡死節媚其功者以爲降賊肅宗未及知翰傳巡功狀表上之帝由是感悟累遷翰官至左補闕翰林學士以病免此書係仿宋刊亦頗得其形似而紙質墨香則遜矣

卷五 望

收藏諸印無考內京口某氏收藏一印歲久紙蝕並闕其姓

京口

朱文

應氏

白文李序 卷五 卷四十一 卷空

行敏

卷百 卷百十五 卷百空

依庸 居士

朱文 卷一

闕補卷三十三九卷四十一十四卷五十三九卷五

十四七卷九十三七卷一百四十二九卷一百四

十六八卷一百六十九九卷一百七十二三卷一百

九十一二卷一百九十四六卷一百九十八六

通志

二十函
二百冊

益陽書藏實之限雜書五升史本陳

宋鄭樵撰二百卷前樵自序元吳縉序並進書疏
馬端臨文獻通考云按此書刊本元無卷數止是
逐略分爲一二耳中興四朝藝文志別史類載通
志二百卷其後敘述云中興初鄭樵采歷代史及

卷五

聖

他書自三皇迄隋爲書曰通志倣遷固爲紀傳而
改表爲譜志爲略則其爲書似是節鈔刪正歷代
之正史如高峻之小史蘇轍之古史而非此二十
略之書也但二十略序文後言於紀傳卽其舊文
從而損益制誥書疏實之別錄唐書五代史本朝
大臣所修非微臣敢議故紀傳及隋若禮樂刑政
務存因革故引而至唐云則亦略言其作書之意
豈彼二百卷者自爲一書亦名之曰通志而於此
序附言其意耶或并二十略共爲一書耶云云今

以歷代刊本通志考之係併二十略爲一書共成
二百卷並非別有所謂通志者端臨所見刊本蓋
僅有二十略耳是書吳繹序作於元英宗至治二
年繹元史無傳其結銜爲福州路總管考江西志
吳繹字思可信都人泰定閒曾守吉州序稱是集
梓於三山郡庠北方學者猶未之見迺募寮屬捐
己俸摹印五十部散之江北諸郡云云疏後別行
載至治三年九月印造則知此本亦非吳繹所刊
當屬元初開雕於閩中者也

卷五

星

闕補卷五上

二十七

卷五下

二十九

卷六下

二十七

卷

七

六十九

卷十五下

九十三

卷六十三

三十三

八

六十五

卷六十七

五十七

卷六十八

八十三

九

六十九

卷七十七

七十四

卷八十一

三十三

十

八十二

卷八十三

三十一

卷八十八

九十二

十一

八十二

卷八十八

四十三

卷九十二

四十二

卷一百

十二

一百三

卷一百五

四十三

卷一百七

七十七

十三

七

卷一百八

五十六

卷一百十九

九十三

十四

五十二

卷一百十一

下

卷一百

七十九

卷一

百六十五五册卷一百十八十三册四十四卷一百二

十七六十册卷一百三十三四十八册卷一百三十四四十九册

三卷一百三十五五十册卷一百三十八五十四册卷一百

四十五六十册卷一百四十六六十五册卷一百四十七

九七十册卷一百五十一七十册卷一百五十三八十一册

一百五十五八十册卷一百五十六八十三册卷一百五

十七九十册卷一百六十二九十册卷一百六十五九十七册

嚴志一百七十三一百一十二册卷一百七十七一百一十五册卷一百八十

一一百一十六册卷一百八十七一百一十九册卷一百九十二一百二十五册

卷五

四

卷一百九十五一百一十三册卷一百六十二一百一十二册

通志三十二函三百二十册 卷一百六十五一百一十五册卷一百八十五一百一十八册

篇目同前前樵自序一百六十五册卷一百六十五一百一十五册

此書即前版而闕吳繹之序與疏或是書賈去之

以偽充宋槧也一百一十五册卷一百五十三一百一十三册

闕補目錄一百一十一册卷六上八十三册卷七七十四册卷十上

六卷十下六十五册卷十八三十三册卷二十三三十三册卷

四十二三十九册卷四十二三十九册卷六十七五十七册卷六

十八三十三册卷七十三二十三册卷七十九五十七册卷九

宋名臣言行錄

十函
六十冊

十五卷

盡

宋名臣言行錄

前集十卷後集十四卷宋朱子撰李衡校正前朱子自序李居安續集八卷別集十三卷別集下十三卷外錄十七卷宋李幼武撰趙崇稔序外錄前有道統傳授圖并程頤司馬光尹焞楊時李侗朱子張栻呂祖謙諸像原書陳振孫書錄解題載八朝名臣言行錄五十四卷稱朱子以近代文集及傳記載本朝名臣言行撮取其要輯爲此書前五朝五十五人後三朝四十二人云云按前集始趙普終蘇洵自太祖以至英宗固爲五朝矣而後集始韓琦終陳師道由仁宗以至徽宗亦五朝合兩集而名爲八朝則可知專指後集爲三朝則不可也故李幼武於前集亦標五朝而其所纂續集別集外錄則標皇朝以別之幼武此書宋人諸書目中皆不採入惟明焦竑經籍志載朱子宋名臣言行錄七十五卷與是書卷數相符卽係幼武合輯之本竑不標五朝而統之

卷五

吳

宋名臣言行錄以七十五卷盡屬於朱子又何其漫

不加考耶幼武所纂續集別集及別集下皆載名
臣而外錄則專爲道學統宗而設考宋史宗室世
系表崇稔爲太宗長子漢王元佐九世孫序稱外
孫李士英頃以八朝名臣言行錄錄梓又於中興
四朝諸名臣蒐閱行事集爲全編云云士英乃幼
武字而宋史無幼武傳其爵里俱不可考序朱子
名臣言行錄之李居安江西志載爲廬陵人登寶
慶二年丙戌進士其校正之李衡宋史載爲江都
人字彥平登進士第由吳江主簿歷官祕閣修撰

卷五

五

致仕定居崑山結茅別墅杖屨徜徉聚書萬卷號
曰樂菴幼武編輯旣成曾自刻梓而此本字畫不
勻紙墨麤黝係元時翻刻非宋槧也

明焦竑藏本有弱侯印見前餘印無考

震宮
育德

大德
少陽

中山靖 俱朱文
李序

弱侯 白文
李序
卷一 續錄

秦

白文 後集
別集目錄
別集卷六

闕補後集卷十三

十一卷十四

別集卷

七一別集下卷一

外錄卷十三

二十七

五朝名臣言行錄一函二冊

前集十卷後集十四卷宋朱子撰李衡校正前朱

子自序李居安序本

此朱子所輯前後集單行之本振孫所指即為是

書獨惜非宋槧耳蘇軾三平而對其辭衣彩

闕補後集卷四六

自警編二函十冊

宋趙善瑋撰不分卷前善瑋自序陳憲壽軍齊如

歙縣志趙善瑋字德純宗室趙不佞兄不彼之子

卷五

吳

登嘉定進士第嘗謂縉紳不明大法九章無以斷

疑未幾中法科除大理評事後通判廣德軍有政

聲召為尚書郎著自警編行世善瑋序作於寧宗

嘉定十七年其書皆輯宋名臣言行分類紀之首

以事君終言操守序稱越三年而後成編亦深於

克治者矣書中字體規仿顏柳刻工未始不善而

墨黯紙麤決非宋本

徐元明俞立初收藏二印無考興李衡跋五前朱

徐氏朱文八分書二冊
俞氏白文二冊
東海朱文四冊
家言白文
元明三冊六冊
立初三冊四冊
氏圖書印五冊
善本
至桂閣四冊

闕補序文一首冊七

山海經一函 四冊 未銷盡其妙而摹印者

十八卷前漢劉秀進書表晉郭璞序本字 世

鼂公武郡齋讀書志曰劉秀表言禹別九州而益

等類物善惡著此書皆聖賢之遺事古文明著者

也大父嘗考之於書有曰長沙零陵雁門皆郡縣

名又自載禹繇似後人因其名參益之陳振孫書

卷五

吳

錄解題曰漢侍中奉車都尉臣秀所校秘書秀即

劉歆也世傳禹益所作其事見吳越春秋恢誕不

典司馬遷曰言九州山川尚書近之矣至禹本紀

山海經所書怪物余不敢言之也可謂名言然古

今相傳既久姑以冠地理書之首此本字仿歐體

山益用筆整嚴刻手雖未能盡得其妙而摹印清朗在

元刻中洵為善本

御題山海經一書流傳最古而近世無善本是本筆法

刻畫清峭當為元版之佳者明吳郡黃氏省曾會合刊

水經山經爲上下集其字蹟彷彿相同蓋以是刻爲藍本也乾隆御識鈐

寶二曰稽古右文之璽曰乾隆宸翰

本朝樵李曹溶藏本考嘉興府志曹溶字潔躬號秋

嶽秀水人崇禎丁丑進士官御史

本朝順治間歷副都御史戶部侍郎出爲廣東布政

使左遷山西陽和道杜元夫印無考

稽古 杜氏 朱文

元夫 序

曹溶 白文

私印

潔 朱文

躬 卷一

卷五

五

闕補卷一七

博古圖 四面 二十冊

宋徽宗御撰三十卷

本陳振孫書錄解題曰宣和殿所藏古器物圖其形

象而記其名物錄其款識品有總說以舉其凡而

本物物考訂則其目詳焉此書係仿宣和舊刻前後

實一序跋俱無惟每卷首行標題冠以至大重修四字

本按至大爲元武宗年號書中字體圖式規模略具

而不能工整非元刻之佳本也

達觀樓收藏印無考

達觀樓圖 朱文 卷二卷四卷七卷十卷十三卷十六卷十九卷二十二卷二十五卷二十八卷三十一卷三十四卷三十七卷四十卷四十三卷四十六卷四十九卷五十二卷五十五卷五十八卷六十一卷六十四卷六十七卷七十卷七十三卷七十六卷七十九卷八十二卷八十五卷八十八卷九十一卷九十四卷九十七卷一百卷一百零三卷一百零六卷一百零九卷一百一十二卷一百一十五卷一百一十八卷一百二十一卷一百二十四卷一百二十七卷一百三十卷一百三十三卷一百三十六卷一百三十九卷一百四十二卷一百四十五卷一百四十八卷一百五十一卷一百五十四卷一百五十七卷一百六十卷一百六十三卷一百六十六卷一百六十九卷一百七十二卷一百七十五卷一百七十八卷一百八十一卷一百八十四卷一百八十七卷一百九十卷一百九十三卷一百九十六卷一百九十九卷二百卷二百零三卷二百零六卷二百零九卷二百一十二卷二百一十五卷二百一十八卷二百二十一卷二百二十四卷二百二十七卷二百三十卷二百三十三卷二百三十六卷二百三十九卷二百四十二卷二百四十五卷二百四十八卷二百五十一卷二百五十四卷二百五十七卷二百六十卷二百六十三卷二百六十六卷二百六十九卷二百七十二卷二百七十五卷二百七十八卷二百八十一卷二百八十四卷二百八十七卷二百九十卷二百九十三卷二百九十六卷二百九十九卷三百卷三百零三卷三百零六卷三百零九卷三百一十二卷三百一十五卷三百一十八卷三百二十一卷三百二十四卷三百二十七卷三百三十卷三百三十三卷三百三十六卷三百三十九卷三百四十二卷三百四十五卷三百四十八卷三百五十一卷三百五十四卷三百五十七卷三百六十卷三百六十三卷三百六十六卷三百六十九卷三百七十二卷三百七十五卷三百七十八卷三百八十一卷三百八十四卷三百八十七卷三百九十卷三百九十三卷三百九十六卷三百九十九卷四百卷四百零三卷四百零六卷四百零九卷四百一十二卷四百一十五卷四百一十八卷四百二十一卷四百二十四卷四百二十七卷四百三十卷四百三十三卷四百三十六卷四百三十九卷四百四十二卷四百四十五卷四百四十八卷四百五十一卷四百五十四卷四百五十七卷四百六十卷四百六十三卷四百六十六卷四百六十九卷四百七十二卷四百七十五卷四百七十八卷四百八十一卷四百八十四卷四百八十七卷四百九十卷四百九十三卷四百九十六卷四百九十九卷五百卷五百零三卷五百零六卷五百零九卷五百一十二卷五百一十五卷五百一十八卷五百二十一卷五百二十四卷五百二十七卷五百三十卷五百三十三卷五百三十六卷五百三十九卷五百四十二卷五百四十五卷五百四十八卷五百五十一卷五百五十四卷五百五十七卷五百六十卷五百六十三卷五百六十六卷五百六十九卷五百七十二卷五百七十五卷五百七十八卷五百八十一卷五百八十四卷五百八十七卷五百九十卷五百九十三卷五百九十六卷五百九十九卷六百卷六百零三卷六百零六卷六百零九卷六百一十二卷六百一十五卷六百一十八卷六百二十一卷六百二十四卷六百二十七卷六百三十卷六百三十三卷六百三十六卷六百三十九卷六百四十二卷六百四十五卷六百四十八卷六百五十一卷六百五十四卷六百五十七卷六百六十卷六百六十三卷六百六十六卷六百六十九卷六百七十二卷六百七十五卷六百七十八卷六百八十一卷六百八十四卷六百八十七卷六百九十卷六百九十三卷六百九十六卷六百九十九卷七百卷七百零三卷七百零六卷七百零九卷七百一十二卷七百一十五卷七百一十八卷七百二十一卷七百二十四卷七百二十七卷七百三十卷七百三十三卷七百三十六卷七百三十九卷七百四十二卷七百四十五卷七百四十八卷七百五十一卷七百五十四卷七百五十七卷七百六十卷七百六十三卷七百六十六卷七百六十九卷七百七十二卷七百七十五卷七百七十八卷七百八十一卷七百八十四卷七百八十七卷七百九十卷七百九十三卷七百九十六卷七百九十九卷八百卷八百零三卷八百零六卷八百零九卷八百一十二卷八百一十五卷八百一十八卷八百二十一卷八百二十四卷八百二十七卷八百三十卷八百三十三卷八百三十六卷八百三十九卷八百四十二卷八百四十五卷八百四十八卷八百五十一卷八百五十四卷八百五十七卷八百六十卷八百六十三卷八百六十六卷八百六十九卷八百七十二卷八百七十五卷八百七十八卷八百八十一卷八百八十四卷八百八十七卷八百九十卷八百九十三卷八百九十六卷八百九十九卷九百卷九百零三卷九百零六卷九百零九卷九百一十二卷九百一十五卷九百一十八卷九百二十一卷九百二十四卷九百二十七卷九百三十卷九百三十三卷九百三十六卷九百三十九卷九百四十二卷九百四十五卷九百四十八卷九百五十一卷九百五十四卷九百五十七卷九百六十卷九百六十三卷九百六十六卷九百六十九卷九百七十二卷九百七十五卷九百七十八卷九百八十一卷九百八十四卷九百八十七卷九百九十卷九百九十三卷九百九十六卷九百九十九卷

闕補卷一

四十 卷二 三十 卷六 四 卷七 五 卷八 六 卷九 三 卷十 二 卷十一 一 卷十二 三 卷十三 四 卷十四 五 卷十五 六 卷十六 七 卷十七 八 卷十八 九 卷十九 十 卷二十 十一 卷二十一 十二 卷二十二 十三 卷二十三 十四 卷二十四 十五 卷二十五 十六 卷二十六 十七 卷二十七 十八 卷二十八 十九 卷二十九 二十 卷三十 二十一 卷三十一 二十二 卷三十二 二十三 卷三十三 二十四 卷三十四 二十五 卷三十五 二十六 卷三十六 二十七 卷三十七 二十八 卷三十八 二十九 卷三十九 三十 卷四十 三十一 卷四十一 三十二 卷四十二 三十三 卷四十三 三十四 卷四十四 三十五 卷四十五 三十六 卷四十六 三十七 卷四十七 三十八 卷四十八 三十九 卷四十九 四十 卷五十 四十一 卷五十一 四十二 卷五十二 四十三 卷五十三 四十四 卷五十四 四十五 卷五十五 四十六 卷五十六 四十七 卷五十七 四十八 卷五十八 四十九 卷五十九 五十 卷六十 五十一 卷六十一 五十二 卷六十二 五十三 卷六十三 五十四 卷六十四 五十五 卷六十五 五十六 卷六十六 五十七 卷六十七 五十八 卷六十八 五十九 卷六十九 六十 卷七十 六十一 卷七十一 六十二 卷七十二 六十三 卷七十三 六十四 卷七十四 六十五 卷七十五 六十六 卷七十六 六十七 卷七十七 六十八 卷七十八 六十九 卷七十九 七十 卷八十 七十一 卷八十一 七十二 卷八十二 七十三 卷八十三 七十四 卷八十四 七十五 卷八十五 七十六 卷八十六 七十七 卷八十七 七十八 卷八十八 七十九 卷八十九 八十 卷九十 八十一 卷九十一 八十二 卷九十二 八十三 卷九十三 八十四 卷九十四 八十五 卷九十五 八十六 卷九十六 八十七 卷九十七 八十八 卷九十八 八十九 卷九十九 九十 卷一百

卷十二 三 卷十九 九 卷二十八 一 卷二十九 二

三卷三十 六 三十一 二十五

博古圖 四函

篇目同前

此書與前版同紙色較潔而質之勻緻亦過之

卷五 至

闕補卷十六 二十 卷二十三 三十 卷二十五 十 卷

二十九 四

博古圖 六函

篇目同前

此書規仿舊刻縮其方幅前後無序跋而每卷首

行標以博古圖錄考正則必有其人因取是刻他

本校之前有遂州鄭樸序卷一總說後有樸題跋

稱宣和博古圖錄一書舊刻卷帙頗大雖度置無

妨而囊攜稱苦予始改冊減圖凡摹式花紋款識

銘籀則不敢遺舊刻錙黍也至若名物之稍乖器
目之不協字釋之或譌剝泐之或缺具參覈元本
多方訂正或可以秘蔡帳而內巾箱乎云云此本
卷一總說後尙有別紙接補之痕可知爲後人割
去第樸序自紀年月爲宣和五年十月朔而序首
乃云粵稽趙宋時維宣和且中多詆毀徽宗之語
考徽宗本紀以宣和七年傳位欽宗豈有以當時
臣民敢肆然詆毀其君而並付之剗劓者況其序
若作於宣和又何以粵稽時維作追述之語乎歷

卷五

五

考宋元以來正史并各載記之書皆無所謂鄭樸
者似是樸有此書刻之者欲僞充宋本妄於序中
題以宣和年月而獲此本者閱序中所言亦知樸
非宣和時人又割去以爲僞充之地耳樸無可考
姑附於元版博古圖後以俟參訂

元趙孟頫鮮于樞明都穆吳寬文嘉俱經收藏孟
頫樞寬俱見前考蘇州府志都穆字元敬吳縣人
宏治己未進士歷禮部主客郎中加太僕少卿七
歲能詩及長泛濫羣籍奉使至秦中搜訪金石遺

文作金薤琳琅錄文嘉字休承徵明次子以貢爲
湖州廣文善書畫餘印無考

趙 朱文卷一
松雪齋 朱文卷之三
張氏 朱文卷一 卷二十
擇善 卷五 卷五 卷三十

吉 朱文卷之十一 卷十三
桂坡安 朱文卷之十一 卷十三 卷十七
國賞鑑 卷二十 卷二十三 卷二十七
卷三十

停雲 朱文錢氏 朱文卷一
都 白文 吳 原 俱朱文 卷一
寬 博 卷三十

困學 朱文 趙孟 朱文卷之三
齋 卷一 頰印 卷五之三
家藏 卷之三 休承 卷三十

卷五

五

闕補卷十二 卷二十一

欽定天祿琳琅書目卷五終

欽定天祿琳琅書目卷六千事實以類從書首耳且書

元版子部云云限長詩書合評之書非此本中祇

纂圖分門類題註荀子一函十冊大品賦凡類事類題末

周荀況撰三十三篇唐楊倞注分二十卷前載楊

序并新增麗澤編集荀子事實品題一卷不著纂

人姓氏又宋陳傅良輯荀子門類題目一卷

此當時帖括之書也其門類題目一卷於標題次

行刊永嘉先生陳傅良編所分門類始曰天地終

曰五常共四十門末又附拾遺并事要總類二條

卷六

皆擇書中之可作題目者分類摘句以取便於觀

覽卷後別行刊麻沙劉通判宅刻梓於仰高堂十

二字卷一之後亦於別行刊關中劉旦校正所謂

劉通判者當卽是人第書首標題爲纂圖分門類

題注荀子書前仍當有圖蓋已失之矣至所載荀

子事實品題一卷觀其識語稱舊本荀揚圖說不

過具文今得麗澤堂編次品題凡卿雲事實顛末

歷歷可考云云則是荀揚合刊之書非此本中所

應有乃書賈割取荀子事實以冠於書首耳且書

中自卷九之卷十三及卷十五共六卷標題祇稱荀子卷十六卷二十兩卷標題又稱監本音註荀子書名既不畫一板式亦復懸殊係以三刻湊成一書其標稱荀子者樞印甚精紙墨俱佳實爲宋槧餘則元時所刊遠不相及然宋本流傳者久少今尙存吉光片羽於元刻之中雖出湊合亦可寶也

明文徵明毛晉藏本

本朝泰興季氏亦經收藏

卷六

二

季振宣藏書

朱文墨印 事實品題 門類題目 卷一卷四卷七卷十卷十一卷十五卷十九

江左

朱文 事實品題

子晉氏

朱白間文

毛表

朱白間文

玉蘭堂

白文

辛夷館印

朱文 俱門類題目

海虞毛表奏叔圖書記

朱文 卷一卷二 卷七 卷十

汲古閣

朱文 卷一

毛表私印

白文 卷三

毛表之印

白文 卷四

東吳毛氏圖書

朱文 卷六

別號正卷

毛表

俱自文

毛表

白文

叔鄭

白文

中吳毛奏叔
收藏書畫記

奏叔

卷九

之印

卷十

後裔

卷十

收藏書畫記

朱文

汲古

朱文

毛奏

朱文

汲古閣

朱文

卷十

閣藏

卷十四

叔氏

卷五

圖書記

卷十八

西河

白文

毛表

朱文

汲古

白文

之印

卷十九

後人

卷于

河南程氏遺書

一函
八冊

宋朱子輯二十五卷附錄一卷外書十三卷後附

文集十二卷又元譚善心輯遺文一卷目錄後有

卷六

三

善心識語并朱子辯誤書末載宋趙師耕麻沙本

後序李襲之春陵本後序又元鄒次陳虞槃序二

篇

譚善心字元之臨川人元史無傳其事蹟不可考

所作識語稱程子遺文遺事一卷善心始慮世傳

胡氏本猶未盡善而朱子改本惜不可見貞白虞

叔近示以所得吳內翰家藏別本乃與臆見脗合

用鈔諸梓以與學者共之其朱子與劉共父張南

軒辯論所及者悉附著於目錄之下且為竊考程

氏世系譜於十二卷之首云云世系譜此本已闕
鄒次陳序稱遺書外書俱出程門弟子手記朱子
家藏世所刊本無不同者獨二先生文集出胡文
定公家頗有改削朱子定其所當改者數紙屢以
書致劉張二公然承舛習譌卒莫之從譚元之因
與蜀郡虞槃往復討論以復乎朱子所改之舊焉
今觀李襲之春陵本後序祇言遺書外書而不及
文集其趙師耕麻沙本後序則稱二程先生文集
憲使楊公已鈔版三山學宮遺書外書則庾司舊
有之後俱燬於乙未之火師耕承乏來此亟將故
本易以大字與文集爲一體刻之後圃明教堂云
云按陳振孫書錄解題載河南程氏文集十二卷
謂爲建寧所刻本載在集部不與遺書合錄子部
之中是振孫所指建寧本似爲楊公所刊而以一
體合刻則自師耕始也考浙江通志師耕黃巖人
登宋寧宗嘉定七年進士第其序猶自署古汴者
蓋不忘故土之意李襲之無考元史虞槃字仲常
隆州仁壽人集之弟登延祐進士授吉安永豐丞

後終嘉魚縣尹西江志鄒次陳字周弼一字悅道
宜黃人中博學宏辭科所著有遺安集十八卷史
鈔十卷此書校正文集雖足訂別本之譌然撫印
草草紙墨皆不求精在元刻中又其次者

書中有趙氏子昂龍門子圖書記進士郡李縣令
次陳序作於至治二年七月譚善心識語作於至
治三年九月是孟頫歿時書尙未經刊行安得其
收藏印記進士郡李縣令一印文義亦不可解觀

卷六

五

三印篆法俱極粗劣其爲書賈僞造無疑故不採
錄

關補文集卷八全

近思錄

一函
四冊

宋朱子呂祖謙同輯十四卷宋葉采集解前采序
並進書表目錄後載朱子祖謙識語二篇

陳振孫書錄解題馬端臨文獻通考皆載近思錄
十四卷而不及葉采集解明王圻續文獻通考載
近思錄有何基發揮戴亨補註柳貫廣輯黃績義

類諸書亦不載此本考宋史無葉采傳凌迪知萬
姓統譜稱采字仲圭成都人初從蔡淵受易學已
而往見陳淳淳以其好躐高妙而少循序就實工
夫屢折而痛砭之采自是屏斂鋒鋷駸趨著實淳
深喜之理宗寶慶初爲祕書監嘗論郡守貪刻之
政思害上嘉納之今觀書中進表係淳祐十二年表後

結銜爲朝奉郎監登聞鼓院兼景獻府教授距作
秘書監時已歷二十八載迪知乃未經考及耳集
解之作蓋在黜浮崇實之後序中有研思積久踰

卷六

六

三十載義稍明備之語用心亦良苦矣此本係仿
宋刊而紙質不免麤黝之病味以宋鑄善又耳集

闕補卷二三十五卷九十六

近思錄一函
三冊

篇目同前闕葉采序

此本版式較大紙質亦極堅緻勝於前本善實前

闕補卷一四卷十十一卷十四十一卷十三十一

朱子語類八函
九十六冊

宋黎靖德輯一百四十卷前載宋黃幹李性傳蔡

抗吳堅黃士毅魏了翁王似諸序并語錄姓氏門
目目錄後靖德識語二篇考訂九條

馬端臨文獻通考載李道傳輯晦菴語錄四十六
卷其弟性傳又輯續錄四十六卷王圻續文獻通
考載文公語類一百三十八卷乃黃士毅所序次
者今接靖德識語稱李道傳刊語錄於池李性傳
刊續錄蔡抗刊後錄皆於饒是爲三錄黃士毅輯
語類刊於蜀王似作續類又刊於徽是爲二類凡
五書靖德合而參校之削其複者一千一百五十

卷六

七

餘條云云是靖德所見者博而所採者精也凌迪
知萬姓統譜載靖德永嘉人爲沙縣主簿攝縣事
清謹善理繁劇博學能文嘗修沙陽志此書字畫
不工紙麤墨黯乃元時坊刻之本
檇李項氏藏本

本朝黃虞稷亦經收藏按虞稷字俞邵晉江人康熙
間以諸生預修明史食七品俸一時以爲榮

墨林項氏 朱文

黃印 虞稷

白文

俞

朱文 每冊

闕補卷三十三十六卷三十五十七卷八十一

三十四卷九十四十五卷一百一十三卷一百一十八

朱子語類四函二十四冊

篇目同前前有宋王柏序對書題數士出良景宜

此與前部同出志版撫印之時亦不相遠而此書

多王柏序序作於宋咸淳乙丑稱靖德編校成書

文公之遺語夫備是柏序專爲此書而作前部無

之當屬闕佚第柏序紙色與前部深淺迥殊似非

敵命一時所印或由取資於別本耳

卷六

道命錄

一函一冊

宋李心傳輯元程榮秀釐正分十卷前心傳序宋

朱申序榮秀序

考宋史李心傳字微之隆州井研人慶元二年薦

於鄉既下第絕意不復應舉閉戶著書晚因崔與

之魏了翁等之薦爲史館校勘賜進士出身累官

至工部侍郎以言去奉祠潮州淳祐三年致仕卒

載所著成書甚多內有道命錄五卷心傳自序係

作於理宗嘉熙三年朱申之序乃淳祐十一年知

晉景江州時爲之刻梓而作其書尙仍五卷之舊榮秀
之文序稱道命錄五卷刻梓在江州燬於兵榮秀嘗得
山書而讀之疑爲初稿尙欲刪定而未成者齋居之暇
略加釐正彙次爲十卷重刻於龜山書院而識其
畧後云云書中第十卷末附宋理宗淳祐以後贈卹
指揮三篇制詞三篇標爲續增又元文宗天歷以
後請加封狀并部議二篇贈卹制詞五篇標爲新
增乃榮秀所補錄者當時刻手印工咸出上選紙
潔墨瑩幾與宋槧無異誠元刻之佳本也榮秀序
闕未數行以明萬厯間丁元薦刊本校之榮秀姓
程新安人序作於至順四年結銜爲奉直大夫江
浙等處儒學提舉惜宋史無榮秀傳新安志亦未
載其事蹟不可考序末數行今依元薦本補錄

御題道命錄十卷宋嘉熙間編次濂洛關閩五先生進
退黜陟之所由而終以謚議贈卹制詔元時重刻於龜
山書院則又續增作書後所有事實及元代追崇典冊
之文也其云道命者蓋言道之行與廢皆命云爾此書
猶是元龜山書院初本乾隆甲子秋日鈐

寶二曰乾隆宸翰曰幾暇臨池

六冊

朱臥菴吳岫收藏諸印無考

朱文 李序 卷三

朱臥菴

朱文 李序 卷三

姑蘇 吳氏

朱文

雷耕

白文 卷二

收藏記

卷七上 卷八

家藏

卷二

堂印

卷六 卷七下

類編標註文公先生經濟文衡

一函

六冊

書以未陵

書

宋馬括輯前集三十五卷後集三十五卷續集二

十二卷共七十二卷前宋黃昇序括自序

馬括宋史無傳宋人諸書目亦不載是書其序作

於淳祐辛亥按辛亥為宋理宗淳祐十一年書中

卷六

十

蓋取朱子所著論者類而編之加以標註黃昇序

稱括字曰季機而未詳其爵里昇宋史亦無傳著

有中興詞選字曰叔暘號曰玉林又號花菴胡德

方為之序稱其早棄科舉吟咏自適秋房樓公以

泉石清士目之馬括當時纂輯此書似未刻梓是

本前集總目後有時泰定甲子春刊於梅溪書院

本記按泰定甲子為元泰定帝御極之元年版式

係仿宋巾箱本而未能如宋槧之工也

類編標註文公先生經濟文衡

一函

六冊

篇目同前

此書即前版撫印亦出一時

周大訓印無考

濂溪 朱文 周印 良 前集卷一 卷六 卷三 卷十 後集卷一 卷九 道脈 大訓 卷五 卷三 續集卷一 卷七 卷十二 卷十七

詳註東萊先生左氏博議

一函 四冊

宋呂祖謙著二十五卷前祖謙自序

祖謙序以左氏博議為諸生課試而作故當時付

刊仿巾箱本之式書中無刻梓年月亦不載作註

卷六

十一

人姓氏觀其紙黝墨黯乃元撫宋槧而不能工者

也

元趙孟頫藏本明陳繼儒徐渭亦經收藏孟頫見

前考明史繼儒字仲醇號眉公松江華亭人為諸

生與董其昌齊名年甫二十九取儒衣冠焚之隱

居崑山之陽後築室東余山杜門著述工詩善畫

年八十二卒徐渭字文長號天池生山陰人為諸

生有盛名嘗自言吾書第一詩次之文次之畫又

次之

眉

朱文

松

朱文

天池

白文 僊錄

卷二卷三

公

雪

居士

卷五卷七之卷十四卷去

卷八卷十卷十二

卷十四

胡子知言

一冊

宋胡宏著一卷後錄二卷前宋張栻序曰因與諸

宋史胡宏字仁仲建寧崇安人安國次子初以蔭

補右承務郎不調秦檜當國貽書其兄寅問二弟

何不通書意欲用之宏書辭甚厲人問之宏曰正

卷六

三

恐其召故示之以不可召之端檜死宏被召竟以

疾辭著書曰知言張栻謂其言約義精道學之樞

要制治之著龜也按張栻嘗從宏遊其序作於孝

宗乾道四年極推崇之意朱子語錄有曰因與諸

子論湖湘學者崇尚胡子知言曰知言固有好處

然亦大有差失如論性往往與告子湍水之說生

之謂性之意有相似處云云而呂祖謙謂知言勝

似正蒙則又過於稱許焉此書兩卷後別行皆刻

後學天台吳堅刊於福建漕治考宋史無堅傳浙

江通志載堅仙居人登淳祐四年甲辰進士第歷官至端明殿學士此書係元時翻刻雖不能精而宋槧規矩猶存尙屬元版之佳者

本朝商邱宋犖藏本有緯蕭草堂印按犖作西陂雜詠詩有緯蕭草堂一篇其子至曾取以名其集

緯蕭草堂

宋文

藏書記

冊末

困學紀聞

一函
六冊

宋王應麟著二十卷前應麟自識元牟應龍袁桷

卷六

三

序後陸晉之序

困學考宋史王應麟字伯厚慶元府人九歲通六經淳祐元年舉進士寶祐四年又中博學宏辭科歷官禮部侍郎尋轉尙書兼給事中左丞相以畱夢炎用徐囊黃萬石等遂東歸後二十年卒所著書甚本多困學紀聞其一也牟應龍序作於元英宗至治二年袁桷序作於泰定帝泰定二年元史列傳應龍字伯成其先蜀人後徙居吳興應龍幼警敏日記數千言擢咸淳進士第賈似道招之拒不見不

得實上第調光州定城尉沿海制置司辟爲屬以
疾辭不仕而宋亡矣已而起家教授溧陽州晚以
上元縣主簿致仕泰定元年卒年七十八袁桷字
伯長慶元人以薦爲翰林國史館檢閱官屢遷至
侍講學士泰定初辭歸四年卒追封陳畱郡公諡
文清陸晉之吳郡人元史無傳其結銜爲慶元路
儒學教授序中有鳩工度費給以學儲本學官及
岱山長共助以足其用云云按顧炎武日知錄引
陸深金臺記聞曰元時州縣皆有學田所入謂之
學租以供師生廩餼餘則刻書工大者合數處爲
之故讐校刻畫頗有精者今證以晉之所言適相
昭合第此書撫印不佳耳

闕補卷二三十七卷十二二十七卷十五十二

困學紀聞十一函

篇目同前前牟應龍序後陸晉之序俱不載

此書版較大非陸晉之所校刊者故不載其序應
龍序或本有而後失之刻手印工校前部皆高一
籌在元刻中尙爲佳者

闕補目錄三卷二三十五卷三十九卷六十八

十一卷七八卷十一四九十六十卷十四十五

卷十五二十一卷十九二五十六卷二十一四三三

北戶錄一函二冊

唐段公路纂龜圖註三卷前唐陸希聲序

公路唐書無傳陸希聲序稱爲鄒平公之孫考唐

書段文昌於唐文宗時以御史大夫進封鄒平郡

公則公路乃文昌之孫矣其書皆採嶺南民風土

俗飲食衣製歌謠哀樂有異於中夏者錄而誌之

卷六 五

至於草木果蔬蟲魚羽毛之類有瑰形詭狀者亦

莫不畢載謂之北戶錄者蓋取淮南子云南方之

極自北戶之界至炎風之野赤帝祝融之所司也

希聲吳人善屬文由右拾遺歷官至同中書門下

平章事唐書有傳龜圖無考書中目錄後別行刊

臨安府太廟前尹家書籍鋪刊行則知是書先有

宋槧此本規仿爲之意欲僞充宋刊故猶存尹家

之名耳

元王元伯藏本

本朝泰興季氏虞山錢氏亦經收藏錢曾見前考江
南志元伯金壇人四世不異爨家人百餘口無間
言日使諸女婦聚一室爲女工畢斂貯一庫室無
私藏兄宣伯卒以家事付兄子軌軌辭元伯曰若
宗子也宗子宜主之相讓既久卒以付軌搢紳之
家咸自謂不如至元間旌表其門

竹塢

朱文 王印 良 季印 滄 朱文 古吳 自文 習 朱文 墨印 履吉 振宜 葦 俱序 王氏 目錄 古 目錄

季振宜 朱文 墨印 虞山錢曾 朱文 卷二 王氏 朱文 王氏 朱文 序 藏書 目錄 卷二 遵王藏書 卷二 元伯 卷一 家藏 卷一 卷三

卷六

六

夢溪筆談 一函 八冊

宋沈括著二十六卷前括自序

括序稱予退處林下思平日與客言者時紀一事
於筆謂之筆談聖謨國政大事及宮省皆不敢私
紀至於繫當日士大夫毀譽者雖善亦不欲書所
錄惟山間木蔭率意談噉不繫人之利害者下至
閭巷之言靡所不有云云考宋史括字存中錢塘
人擢進士第歷官至龍圖閣待制知審官院出知
青州未行改延州以功加龍圖閣學士尋謫均州

團練副使元祐初徙秀州繼以光祿少卿分司居
潤八年卒此書當屬居潤時所作故有退處林下
之語其書曰故事曰辨證曰樂律曰象數曰人事
精於
曰官政曰權智曰藝文曰書畫曰技藝曰器用曰
神奇曰異事曰謬誤曰譏諛曰雜志曰藥議共十
有七門開雕者雖仿宋槧而撫印不工紙質亦未
能堅緻其爲元刻無疑人

明杜堇藏本考馮仙湜圖繪寶鑑續纂杜堇字懼
男有禮居古狂青霞亭長之號丹徒人占籍京師
舉進士不第遂絕意進取爲文奇古兼善繪事安
陽開國印記無考又有宋徽宗政和二字寶篆粗
俗係書賈僞作不足載入

安陽開國印記開國印記俱宋文而無印不工贗寶未
國印記異事曰堇每冊首藉曰錄志曰藥譜共十

詩苑叢珠

一函
三冊

蘇晉曰藝文曰書畫曰技藝曰器用曰

元仇舜臣編曹彥文增輯三十卷前曹輓序人集
輓序作於大德己亥按己亥爲元成宗大德三年
序後有至正甲辰菊節西園精舍新刊木記按至

正甲辰爲元順帝至正三十四年距輓作序之時已逾六十六載書分三十六門皆採摘成語取其二三字集成對偶并附詩聯以備初學擷摭之用係館訂之書故不顯於當世歷年既久書賈得之始爲開雕宜其刊印草草也舜臣彥文輓俱無考

元版集部史文辭李醇林葉十卷附外題詩十卷

分類補註李太白詩集

一函五冊

文四首十卷其式而無卷

唐李白著元楊齊賢集註蕭士贇補註二十五卷
前載唐李陽冰宋樂史宋敏求曾鞏毛漸五序劉

卷六

六

全白李君碣記

宋樂史宋敏求曾鞏毛漸五序

陳振孫書錄解題曰唐志有草堂集二十卷李陽

冰所錄也今按陽冰序文但言十喪其九而無卷

數又樂史序文稱李翰林集十卷別收歌詩十卷

校勘爲二十卷又於館中得賦序書表贊頌等亦

爲十卷號爲別集然則三十卷者樂史所定也家

藏本不知何處本前二十卷爲詩後十卷爲雜著

首載陽冰史及魏顥曾鞏四序李華劉全白范傳

正裴敬碑志卷末又載新史本傳而姑孰十詠笑

矣悲來草書三歌行亦附焉復著東坡辯證之語
其本最爲完善則有蜀刻大小二本卷數亦同而
首卷專載碑序餘二十三卷歌詩而雜著止六卷
有宋敏求後序言舊集歌詩七百七十六篇又得
王溥及唐魏萬本同哀類唐詩諸編洎石刻所傳
廣之無慮千篇以別集雜著附其後曾鞏蓋因宋
本而次第及之耳以校舊藏本篇數如其言然則
蜀本卽宋本也耶末又有元豐中毛漸題云以宋
公編類之勤曾公考次之詳而晏公又能鏤版以

傳於世乃知晏止刻於蘇州者然則蜀本蓋傳蘇
本而蘇本今不復有云云今觀此本首卷錄賦八
篇餘二十四卷皆載歌詩並無雜著與振孫所見
諸本不惟卷數參差亦且所收反少雖載陽冰諸
人之序而皆不妨其舊矣書中有建安余氏勤有
堂刊篆書木記目錄末葉板心記至大辛亥三月
刊按辛亥爲元武宗至大四年其時勤有堂之名
尙存蓋建安余氏子孫皆世守其業者也楊齊賢
無考蕭士贇字粹可寧都人篤學工詩與吳澄友

善所著有冰崖集見西江志英嶺山人出入必謝
陳惟中收藏印記無考之去黃皞水字高父是附

陳氏

白文齋

惟中

卷十卷九黃吳人也屬貧夫學敏於賦賦書

關補卷三三十三

水身錄中燕安國景前對補

唐翰林李太白集

一函八冊

唐李白著二十六卷前唐李陽冰序後宋樂史曾
鞏毛漸三序目錄後載薛仲邕編白年譜題在卷
此書不載編纂人姓氏前二十四卷皆載歌詩賦

卷六

三

則列於二十五卷其二十六卷專載讚十七篇較
前部故多一卷然樞印遜於前部其中錯誤亦多
如作序之毛漸並譌爲毛述似是坊間自爲刊行
之本也

明安國錢穀黃姬水俱經收藏安國見前按蘇州
志錢穀字叔寶吳人少孤貧失學迨壯始知讀書
家無典籍游文待詔門下日取架上書讀之以其
餘功點染水墨得沈氏之法黃姬水字瀄父長洲
人五岳山人省曾之子生而英敏山人出入必攜

之俱命學書於祝京兆遂傳其筆法餘印無考

子 桂坡安 國賞鑑

俱宋文 陽冰序 卷二卷六卷十 錢 小字 壽 卷十四卷十八卷二十一卷二十四 穀

朱文年譜

叔

白文 卷一卷五 卷九 卷十三 黃印 白文 卷一

毛序

寶

卷十七 卷二十 卷二十三 毛序 姬水 毛序

山齋

游俠

俱宋文 卷之書 卷之十二 門

處士

毛序 卷之門 卷之四 卷之四

集千家註分類杜工部詩

一函 十冊

唐杜甫著宋徐居仁編次黃鶴補註二十五卷前

卷六

三

載傳序碑銘一卷註杜詩姓氏一卷年譜二卷前

陳振孫書錄解題曰門類杜詩二十五卷稱東萊

徐居仁編次未詳何人云云是門類係居仁所編

而集千家註之名則自黃鶴為之書分七十二門

所列諸詩姓氏始韓愈元稹終以文天祥謝枋得

劉會孟共一百五十六家其曰集千家者蓋夸大

之詞耳黃鶴字叔似臨川人所著有北窗寓言見

西江志書中門類目錄後有皇慶壬子鐘式木記

勤有堂鑪式木記傳序碑銘後有建安余氏勤有

堂刊篆書木記詩題目錄及卷二十五後皆別行
刊皇慶壬子余志安刊於勤有堂按皇慶壬子爲
元仁宗皇慶元年前余氏所刊李太白集係至大
辛亥與此刻僅隔一年蓋欲以李杜詩集並行於
時故刻手印工亦復相等也

闕補卷二十六卷五十一卷七十一卷十五十三

二十三卷十九十四十五
二十七卷五十九卷六十一卷六十三卷六十五

集千家註分類杜工部詩二十冊木質門牌目錄對錄

篇目同前後附文集二卷

卷六

五

此書卽前版惟將傳序碑銘後建安余氏篆書木
記劖去別刊廣勤書堂新刊木記門類目錄後鐘

式鑪式二木記尙存而以皇慶壬子易刊三峯書

舍勤有堂易刊廣勤堂其詩題目錄後別行所刊

之皇慶壬子余志安刊於勤有堂十二字雖亦鏡

去而卷二十五後所刊者當時竟未檢及失於削

補所增附之文集二卷撫印草草較之前二十五

卷亦不相類此拙工所爲雖欲作偽亦安能自掩

也耶

觀其去廣勤書堂新刊木記則是堂亦非汪諒所
有矣書中註字本小無經翻刻筆畫未免較肥然
紙質印工實出前二部之上

關補卷十一

全卷十五

全又蘇其與顧德輝同朝

韋蘇州集

一冊

五冊明吳人謝蘇者王山草堂春華

唐韋應物著十卷前宋王欽臣序元沈明遠補撰
傳師賦

馬端臨文獻通考載韋蘇州集十卷未及作序之
人考宋史王欽臣字仲至應天宋城人洙之子用

卷六

舌

蔭入官文彥博薦試學士院賜進士及第歷集賢

殿修撰知和州徙饒州斤提舉太平觀徽宗立復

待制知成德軍卒欽臣性嗜古藏書數萬卷手自

讐正世稱善本沈明遠元人史無傳考顧瑛玉山

草蘊名勝集載明遠吳興人精隸法玉山草堂春暉樓

綠波亭諸額皆其所書又稱其與顧德輝同時按

德輝之子元臣於太祖至元之季爲水軍副都萬

戶則明遠爲元初人無疑此書當屬欽臣所訂而

明遠重刻於元初者故撫印精好與宋槧猶不相

遠明當欲風會指式也制祀寄意昔以此蓋之是

御題韋應物五言詩高遠閒淡世所罕及年至九十餘
益造微妙浮屠皎然王詩嘗擬其體應物語之曰人各
有能有不能子欲爲我且失其故步至今傳爲知言白
居易繼守蘇州詩云敢有文章替左司其見推重如此
惜其文史逸不傳所傳者特詩集耳是集編次雕鏤雅
稱善本子愛讀其詩因書數語於卷首乾隆甲子九秋
三日鈐用大案昔遊歸此游神齋撰對教爲三漢風會
寶二曰乾隆宸翰曰幾暇臨池不暇歸不暇公之祖也

卷六

三

賈一或謂公詩不琢句不用事不鍊詞不知公之所以
三日爲唐大家者或謂此也晴窗點檢遂爲三歎辰翁
蘇善志沈明遠補傳後

部其右識語一作小行書用筆高古考西江志辰翁姓
氏長劉名會孟廬陵人補太學生壬戌廷試忤賈似道
旨道意而理宗嘉之實丙第以親老請濂溪書院山長
益歆江萬里陳宜中薦居史館又除太學博士皆固辭
歸隱宋亡託方外以歸著須溪集百卷書中有漱石枕
流印當爲辰翁託方外時所寄意者以此證之是

韻書為元初刊本益信集 五冊 一函

漱石 枕流

自文序卷二 書甲 卷四 卷六 卷八

增廣註釋音辯唐柳先生集 一函 八冊

唐柳宗元著童宗說音註宋張敦頤音辯潘緯增

廣音義正集四十三卷別集二卷外集二卷附錄

并卷共四十八卷前唐劉禹錫原序宋陸之淵序

並編集姓氏

陸之淵序作於宋孝宗乾道三年稱予至灤山郡

卷六

齋雲間潘廣文攜音訓數帙示予比於祝充之註

昌黎集云云潘緯宋史無傳考凌迪知萬姓統譜

載緯字仲寶華亭人紹興中舉進士甲科恬於進

取工著述陸之淵無考是書亦係翻刻宋本字畫

猶存其概而紙質墨香則不相侔矣

明晉莊王鍾鉉藏本鍾鉉見前

晉府 書畫 之印

朱文 序 敬德 堂圖 書印

子孫 承寶用 附錄 卷二十五

增廣註釋音辯唐柳先生集 一函 五冊

篇目同前闕編集姓氏宜公集二十二卷對齋與
前書於正集外雖分別集外集附錄而目錄則同
列於正集之首此本以末五卷移置別集之前版
式雖仿前書而實別為刊梓撫印之工又出其下
也

明毘陵周氏藏本良金印已見前吳蒙印記無考

周印
良金

毘陵周氏九松
迂叟藏書記

俱朱文 序 卷八 卷九 卷十 卷十一
卷十二 卷十三 卷十四 卷十五 附錄

蒙

白文 卷一

增廣註釋音辯唐柳先生集一函
十三冊

卷六

三

獸觀篇目同前闕別集外集附錄目錄

此本較第二部又遜一籌合觀三書皆非一版何
開雕者如是之多而顧草草以從事耶

鄭翼明收藏印記無考

鄭翼 朱文 八分

明記

序 首 前 書 而 實 眼 氣 許 林 琳 明 之 工 又 出 其 不

陸宣公集

一函 五冊

之 首 此 本 以 末 五 卷 移 置 別 集 之 前 版

唐陸贄著十卷 題合眼集代集剛疑而日疑眼同
陳振孫書錄解題曰陸宣公集二十二卷權德輿

爲之序稱制誥集十三卷奏草七卷中書奏議七卷今所存者翰苑集十卷膀子集十二卷序又稱別集文賦表狀十五卷今不傳據此則陸贄集乃四十二卷至宋已闕三十卷矣振孫所謂翰苑集卽制誥集其膀子集係合奏草奏議爲一書馬端臨文獻通考專載奏議十二卷蓋因制誥奏議集名旣分原可各自單行不必合二十二卷始爲全本此書所載皆制誥之文分以十卷卽單行之翰苑集也字朗紙潤洵屬元刊善本

卷六

天

歐陽文忠公文集

五函四十五冊

歐陽文忠公集善本

宋歐陽修著居士集五十卷外集二十五卷易童子問三卷外制集三卷內制集八卷表奏書啟四六集七卷奏議集十八卷雜議集十九卷集古錄跋尾十卷書簡十卷共合百五十三卷總目後有宋胡柯撰年譜一卷并記書後有附錄五卷及編校姓氏宋周必大序卷今不與對出限到贊集氏胡柯記周必大序皆作於宋寧宗慶元三年必大序稱郡人孫謙益丁朝佐曾三異互加編校起紹

熙辛亥之春迄慶元丙辰之夏始成是書云云按
陳振孫書錄解題曰歐公爲一代文宗其集徧行
海內而無善本周益公解相印歸用諸本徧校定
爲此本且爲之年譜曰居士集外集而下至於書
簡凡十名刊之家塾其子綸又以所得歐陽氏傳
家本乃公之子棐所編次者屬益公舊客會三異
校正益完善無遺恨矣今以必太序考之三異本
預校讐之列書中並無必大子綸重加編次之語
且年譜係出胡柯之手而非必大所作豈振孫所

見又爲別本耶此書字法規仿鷗波深得其妙定
屬元時所重刊者觀其樞印之精非好古者不能
爲此書前應有序文似是書賈欲充宋槧遂妄爲
割去而不知其掩其善也會三異宋史無傳凌迪
知萬姓統譜載三異字無疑臨江新淦人少有詩
名尤尊經學屢從朱子問辯因顏讀書之堂曰仰
高部使薦於朝授承務郎端平初以祕閣校勘召
力辭年八十一卒孫謙益字彥撝丁朝佐字懷忠
胡柯字伯信俱吉州人其事蹟無考

弘治十五年十月二日收入淮東書院一部一百五十三卷附錄五卷四十五冊畱都人獻第四十五冊末右識語一作蠅頭楷書而筆法不工乃書院中掌書籍者所識以取便於稽核耳淮東書院無考按明史地理志載淮安揚州二府元時隸淮東道宣慰司則書院當在二府間也二十卷奏議十五卷東坡明李廷相周良金俱經收藏印記見前

畱慶厯九松迂齋藏書記

周印 良金

自娛 俱宋文 而已

周笈 白文 私印

卷六

三

周氏藏書之印

漢陽李廷相雙 俱宋文 檜室書畫私印 每冊 俱宋文 俱宋文 白文

東坡集十二冊

宋蘇軾著前集四十卷後集二十卷奏議十五卷內制集十卷外制集三卷和陶詩四卷應詔集十卷共一百二卷無校刊姓氏其前東坡書院藏本此書前後俱無序跋密行細書樞印工緻係仿宋巾箱本式欲以之亂真者當屬元初人所為始克有此形似惜紙質鬆脆不能相強耳

元邵桂子藏本明邵亨貞文徵明亦經收藏翠竹齋玉蘭堂諸印見前按鮑楹雪舟詩序青溪邵桂子字德芳太學上舍登咸高進士任處州府教授宋亡避地雲間贅曹氏居仰湖之蒸溪嘗瀕湖構亭名雪舟著述其間有脍稿十卷脍談二十卷皆以雪舟名之豫爲生壙號曰元宅著元宅七銘後七銘續七銘別七銘凡二十八事摹周易作忍默怨退四卦又松江志載邵桂子之孫亨貞字復儒博通經史贍於文辭凡陰陽醫卜佛老之學莫不究其奧洪武間爲府學訓導尋戍潁州後歸卒年九十三著有蛾術集

卷六

三

翠竹貞齋
竹塢江左
俱朱玉蘭梅溪俱朱文
精舍目錄
復儒

俱朱文
元宅子朱文前集卷二
邵桂子一之父主後集卷十五

乾坤二卯亭
朱文前集二十四
壽樂朱文前集卷三十六
行窩後集卷十三

天根
月窟
後集卷十七
古香
朱文後
桐瀨雪舟
朱文八分
壽樂堂

朱文後集

卷九

其間

朱文

卷九

卷十八

卷三

卷之

卷之

卷之

卷之

卷之

卷之

卷之

增刊校正王狀元集註分類東坡先生詩

三函 三十冊

宋蘇軾著王十朋集註劉會孟批點二十五卷前

十朋序趙夔序并註詩姓氏傳藻撰東坡紀年錄

一卷書目自言此書合五十四門金華呂氏皆為三

毘陵邵長蘅作王註正譌稱王十朋分類蘇詩註

三十二卷註中引用故事謬誤實多有極淺陋可

為失笑者十朋為南渡名臣著梅溪集行世史稱

卷六

三

其天資穎悟廷對萬餘言淹通經史其所註蘇詩

何至紕繆乃爾又作註蘇例言稱永嘉王氏註本

孤行其失大要有三十一曰分門別類失之陋西蜀

趙夔舊序自言此書分五十門金華呂氏省為三

十二門而王氏因之玩其標目了無意義且就分

門之中亦必顛倒次第云云是王氏所分之三十

門已不免後人訾議今觀此書僅二十五卷並

非王氏三十三卷之舊而所分門類多至七十有

六數且不止於倍之其間篇章之割裂名目之犯

復殆有甚焉而乃於標題下署十册之名抑何妄耶註詩姓氏後有汪氏誠意齋集書堂新刊木記假名妄作必是此人特以其書規仿宋槧撫印清朗尚屬元刻之善者故存之

樂城元柯九思藏本明項元汴

本朝季振宜俱經收藏印記見前餘印皆無可考

震宮 朱文 王序 大德 朱文 王序 明經 白文 育德 卷一 少陽 卷一卷五 世家 王序

振宜 朱文 王序 柯九 白文 王序 朴素 朱文 居士 註詩姓氏 卷二 卷五 思印 卷三五

卷六 三

崇雅 朱文 聽書生 白文 龍峯 朱文 紀年錄 卷二 卷五 俱紀年錄 書屋 卷七 卷九 卷十一 卷十三 卷十六

卷十八 卷二十 天籟 白文 閣書 卷三五 具前給印皆無可考

本卷三 卷四 畫印 卷三五

樂城集 三函 三十冊

宋蘇轍著前集五十卷後集二十有四卷三集十

卷應詔集十有二卷共成九十有六卷無校刊人

姓氏 精校用翁商玉凡精意齋藏書堂藏肝木

是書卷目次第與馬端臨文獻通考所載悉合其

版式之工紙墨之善亦與前東坡集相等蓋當時
本以二蘇文集合刊櫛印係出一手也

書中有文徵明梅溪精舍玉蘭堂二印前東坡集
中亦有之而元邵氏收藏印記則為此本所無此
本之任氏王氏季氏諸印文不見於東坡集中則
知此二書惟歸文氏時曾經合璧其前乎此後乎
此者皆各自流傳今離而復合同為

冊府之珍亦是刻之幸矣王氏季氏諸印見前其雲
間任氏子先一印按任氏為雲間望族松江志載

元末有任暉者字東白其父名子文則子先或即

子文之伯仲行也

鼎元

季雅

俱朱文
梅谿精舍

玉蘭

王印

俱白文

季振宜
字詵兮

朱文墨印

號滄葦

季振宜
讀書

朱文墨印

前集卷四

卷七
卷十
卷十三
卷十六
卷十八

卷王

卷三五

卷三六

卷三十八

卷三十九

卷西

卷四十六

後集卷一

卷四

卷七

卷十四

卷十八

卷十一

二集卷一

卷四

合序

雲間任

朱文

應詔集卷一

卷六

卷十

前集卷四十一

卷四十二

卷四十三

樂城集

七十函
四十冊

宋蘇轍著前集五十卷後集二十四卷三集十卷
共八十四卷前集轍曾孫誦序後集宋鄧光跋按
前宋版樂城集後載鄧光并轍曾孫誦四世孫森
三跋誦森跋皆其自書用筆猶秉家法此本森跋
已失誦跋並非自書且移置簡端以為書序是刊
刻者未覩宋槧本又安能撫印精良耶
闕補前集卷六三十三卷四十八十三後集卷十

母川六

六十七

三集卷一二十

卷六

三

伊川擊壤集

二函
十冊

集卷一

宋邵雍撰二十卷前雍自序

十八十三

對集卷十

鼂公武郡齋讀書志載邵堯夫擊壤集二十卷稱

堯夫隱居洛陽熙寧中與常秩同召力辭不起寔

於易數始為學至三十年不施枕而睡其精如此

歌詩蓋其餘事亦頗切理盛行於時自為之序云

云是宋時擊壤集雍所自刊此本亦仿宋槧式而

標為伊川者蓋據宋史雍葬親伊水上遂為河南

樂城人也

黃太史精華錄一函二冊

宋黃庭堅著任淵選入卷前淵序後朱承爵跋陳

振孫書錄解題載黃山谷詩二十卷新津任淵註

稱其不獨註事而兼註意惜宋史無任淵傳始末

不可考淵既嘗註庭堅詩則是書所錄擇焉必精

朱承爵跋不記年月觀其跋稱任子淵精華錄選

子嘗得其目錄蓋宋元祐間刻版而亡其文愚輯

其辭而完刻之云云是承爵必非宋人以板式紙

質定之當屬元時刊本無疑

卷六

美

陳氏收藏諸印無考

涌石

山房

練江陳昂之印

天都陳俱朱文氏承雅堂圖籍

東阜先

生後人

自爰俱序卷三卷五

陳氏藏書

子孫永寶

朱文卷二卷八

屏山集二函十二冊

宋劉子翬著二十卷前宋胡憲序朱子撰遺帖跋

墓表後朱子屏山集跋

考宋史劉子翬字彥冲建州崇安人贈太師幹之

仲子以父任授承務郎辟真定府幕屬幹死靖康之難子輩痛憤幾無以爲生服除通判興化軍賊不敢犯旋以羸疾辭歸武夷山不出者凡十七年與胡憲劉勉之友善而期以任重致遠者惟新安朱子而已年四十七卒學者稱屏山先生胡憲字原仲亦崇安人紹興中以鄉貢入太學會伊洛學有禁歸故山力田賣藥以奉其親賢士大夫高仰之以其行義聞於朝上屢召之憲辭母老乃賜進士出身授左迪功郎添差建州教授除祕書正字

以病請歸紹興三十二年卒年七十七書中憲序作於紹興三十年稱彥冲歿後越十有三年其嗣子珩始編次其遺文得二十卷朱子後跋乃作於乾道九年距子輩作序時又越十有三載稱先生啟手足時珩年甚幼以故平生遺文多所散逸後十餘年始復訪求以補家書之闕然皆傳寫失真同異參錯於是反復讐訂又十餘年始克成書云云是胡憲作序在訪求散逸之後而朱子作跋係讐訂已成之時也至朱子所撰遺帖跋在慶元五

年距作集跋時又踰二十六載跋中皆珍惜遺墨之意與是書無關乃刊行者借以取重耳珥宋史無傳凌迪知萬姓統譜載珥字平父仕爲從仕郎自號七省翁每與諸名賢唱和有詩集行世

雲停印無考

雲

每冊後副葉

象山先生集

三函十八冊

宋陸九淵著正集二十八卷外集五卷共三十三

卷六

三

卷前宋楊簡袁燮吳杰三序

象山馬端臨文獻通考載象山文集二十八卷外集四

卷并錄袁燮序文今觀此書外集係五卷其第五

卷乃錄孔煒丁端祖所撰諡議二篇然則九淵外

集仍止四卷也文獻通考不載楊簡吳杰二序按

簡序作於寧宗開禧元年燮序作於寧宗嘉定五

年相去已越八年之久吳杰序作於嘉定十三年

後燮序又經八載燮序稱爲刊於倉司而杰序則

云聞建安狀元陳公子孫喜與人同其善敬送上

件文集請用刊行仍以二賢諡議次於其後云云
是端臨所見者係袁燮刊行之本此本爲陳氏所
刊諡議亦吳杰補錄非復袁本之舊矣外集卷五
後有辛巳歲孟冬月安正書堂重刊木記按嘉定
十三年歲在庚辰則木記所紀辛巳當爲嘉定十
四年但此書墨闔紙黝決非宋本當屬元時翻刻
之書考宋史九淵字子靜撫州金谿人登乾道八
年進士第歷官知荆門軍卒諡文安嘗與朱子論
辨所學多不合門人楊簡袁燮輩皆傳其學焉楊

卷六

堯

簡字敬仲慈谿人乾道五年登進士第授富陽主
簿會九淵道過遂執弟子之禮歷官至寶謨閣直
學士轉朝議大夫慈溪縣男繼以寶謨閣學士大
中大夫致仕卒袁燮字和叔鄞縣人入太學登進
士第調江陰尉官至寶文閣待制進直學士奉祀
以卒初入太學陸九齡爲學錄以道義相磨切厥
後見九齡之弟九淵遂師事焉學者稱之曰絜齋
先生吳杰江西南城人事蹟無考此本無刺舟洄
元趙孟頫藏本明陶宗儀寶齋書影宋本其卷之六

本朝黃虞稷俱經收藏孟頫虞稷見前

考明史宗儀字九成黃巖人少試有司一不中卽

棄去洪武六年命有司舉人才皆及宗儀宗儀引

疾不赴晚歲有司聘爲教官非其志也所著輟耕

錄三十卷又葺說郛書史會要四書備遺並行於

世

金臺集

松雪齋

陶九 俱宋文 袁序 卷二 卷三 卷五 卷六 卷九
成藏 卷十一 卷十三 卷十五 卷十七 卷二十 卷二十三 卷二十四
書印 卷二十七 外集目錄 卷二 卷四

卷六

四

黃印 白文
虞稷

俞 朱文 卷之卷三 卷五 卷六 卷九 卷十一 卷十三 卷十五
邵 卷十七 卷二十 卷二十一 卷二十三 卷二十七 外集目錄
卷二 卷四

金臺集 一函
二冊

元迺賢著危素編二卷前歐陽元李好文黃潛三

序後虞集張起巖詩泰不華 今改正曰 識語貢師

泰揭傒斯危素程文楊彝五序

危素序稱易之金臺前稿余既序之矣乃再至京

師又得後稿一卷云云今書有二卷當是前後稿

並刊而無危素前序蓋偶佚之書中諸賢序詩識

語皆至正間所作當時心折易之匪特文章各盡
所長書法亦兼其妙真行篆隸無體不具則無體
不精而摹刻者又能得其精神不失銖黍選紙選
墨印而傳之豈獨爲元刻之冠卽置之宋槧佳本
中又何多讓焉迺賢元史無傳按浙江通志迺賢
字易之先世居金山之西元興西北諸部仕中朝
者多散處內地故易之稱南陽人隨其兄宦遊江
浙卜居於鄞再至京師以能文名尤長歌詩久之
歸浙東辟爲東湖書院山長以薦授翰林編修官
尋卒元史歐陽元字原功瀏陽人延祐二年賜進
士出身由平江州同知官至翰林學士承旨進階
光祿大夫年八十五卒追封楚國公諡曰文李好
文字惟中東明人登至治元年進士第由大名路
濬州判官入爲翰林國史院編修歷官至翰林學
士承旨階榮祿大夫尋屢引年乞致仕遂拜光祿
大夫河南行省平章政事仍以翰林學士承旨一
品祿終其身黃潛字晉卿義烏人中延祐二年進
士第由台州寧海丞歷官侍講學士同知經筵事

年八十一卒追封江夏郡公諡曰文獻虞集字伯
生蜀人僑居臨川以薦授大都路儒學教授歷官
奎章閣侍書學士年七十七卒贈江西行中書省
參知政事護軍封仁壽郡公張起巖字夢臣濟南
人年弱冠以察舉爲福山縣學教諭中延祐乙卯
進士首選除同知登州事特旨改集賢修撰屢遷
至翰林承旨進階榮祿大夫泰不華字兼善家於
台年十七江浙鄉試第一明年進士及第授集賢
修撰累官至浙東道宣慰使死於方國珍之難追

卷六

聖

封魏國公諡忠介貢師泰字泰甫宣城人肄業國
子學爲諸生泰定四年釋褐出身授從仕郎由太
和州判官累遷至戶部尚書俾分部閩中未幾召
爲中書卿行至杭之海寧得疾而卒揭傒斯字曼
碩龍興富州人以薦授翰林國史院編修官遷侍
講學士同知經筵事進階中奉大夫卒追封豫章
郡公諡曰文安明史危素字太樸金谿人至正元
年用大臣薦授經筵檢討歷官參知政事除翰林
學士承旨出爲嶺北行省左丞言事不報棄官居

房山尋起爲承旨甫至燕都明師已入素投報恩
寺井中僧大梓挽之出洪武間官宏文館學士後
謫居和州守余闕廟歲餘卒程文揚彝俱無傳揚
彝未詳其人新安志載程文字以聞婺源人以薦
入直翰林拜南臺御史擢禮部員外郎卒

河南陸氏 朱文

家藏書籍 歐陽序

後素

松陵 草堂

石田 茅屋

魯文 卷二

文選

六函 六十一冊

卷六

墨

梁昭明太子蕭統撰唐李善註六十卷前蕭統序
李善上文選註表唐呂延祚進五臣集註文選表
書中每卷標題下於李善註次行刊奉政大夫同
知池州路總管府事張伯顏助率重刊張伯顏無
考其樵刻此書頗得宋槧模範第書中祇收李善
一人之註而又錄呂延祚進五臣註表未免自滄
其例矣

兩漢文鑑

二函 二十冊

宋陳鑑編西漢文二十一卷東漢文十九卷共四

十卷前鑑自序其法宋史藝文志亦詳其書不味
陳鑑宋史無傳自署爲建安人其始末亦無考序
作於端平甲午按甲午爲宋理宗端平元年稱余
忠言嘉謨何敢一字妄加節略是以別爲一編云
云考馬端臨文獻通考載陶氏西漢文類二十卷
竇氏東漢文類三十卷初未言及此書其史部中
亦不錄陳鑑史節豈鑑本非知名之士著述不顯
於時抑其書未經付刊逮元而始有是刻耶

卷六

收藏二印無考

墨

吳下
阿明

朱文序西漢文卷一 卷三 卷五 卷七 卷十 卷三
卷西 卷六 卷八 卷十 卷十二 卷十四 卷十六 卷十九

松郡 自文
宋氏 序

闕補西漢文卷六 十八卷十六 七之東漢文卷十

三十八

三國志文類二函

六十卷無編纂姓氏

馬端臨文獻通考載三國文類四十卷引陳振孫
語曰不知何人集考宋史藝文志亦稱是書不知

集者名氏然所載係六十卷與通考異今觀此本卷數適與藝文志符合則端臨所稱四十卷者尚非全書得此元刊亦足證宋本之誤矣

明晉莊王鍾鉉藏本印記見前餘無考

晉府朱文卷一 卷十一 卷二十一
書畫卷三十九 卷九十九

敬德堂圖

子孫俱朱文 卷十一 卷三十九
永寶用卷三十九 卷四十九 卷六十九

白隄錢聽朱文

默經眼

卷六十一

續文章正宗

十一冊

卷六

墨

宋真德秀撰二十卷後宋倪澄梁椅鄭圭三序前

宋版續文章正宗祇載倪澄鄭圭二序不錄梁椅

序文蓋閱歲久而佚其一篇也此本出自元刊撫

印雖所不及然三序得全亦參考一助按兩浙名

賢錄梁椅字子奇麗水人登嘉熙進士第除太常

司丞權禮部郎官晚年慕程朱之學編輯遺論名

曰論翼

明徐達藏本有魏國公印嚴嵩亦經收藏有鈐山

堂印考明史徐達字天德濠人年二十二從太祖

軍所向克捷謀略甲諸將初以平吳功封信國公
洪武三年進封魏國公十八年卒年五十四追封
中山王諡武寧嚴嵩字惟中分宜人舉宏治十八
年進士改庶吉士授編修移疾歸讀書鈐山十年
還朝進侍講累官至華蓋殿大學士太子太師竊
政二十年天下咸目爲奸臣年八十五黜爲民寄
食墓舍以卒今觀書中本有禮部官書朱文長印
俱爲嵩鈐山堂諸印所掩考明禮部尙書鄭賜奉
詔訪購遺書係永樂四年之事徐達以洪武十八
年先卒則知此書乃先爲達所藏而後入於禮部
者至嵩以私印鈐蓋官印之上明是嵩入直文淵
閣仍掌禮部事時攘取官書以爲己有小人貪耶
無所不至卽一書可見矣劉文燿印無考

卷六

吳

鈐山堂

朱文目錄卷之

鈐山堂

朱文目錄卷之二卷九

藏書印

卷八 鄭序

圖書印

卷十之卷十八 鄭序

魏國

朱文

仕學齋 朱文 卷十

劉印

白文 奕世珍藏 朱文 卷九

公

圖書

卷十

圖書

鄭序

文燿

鄭序

永寶無數

鄭序

類編層瀾文選

一函 四冊

甲請報以平吳世達

前集十卷後集十卷續集十卷別集十卷共四十卷無編集姓氏想与日夷千爵示文宗時平許計此書前後俱無序跋前集目錄前有木記識語稱將舊集所選古文重加增錄分爲前後續別四集前集類編賦詩雜語雜著以便初學者誦習後續別三集類編記傳等作以便作文者披閱云云其書始自楚騷終於北宋每卷標題下別行刊雲坡家塾鼎新刊行係當時帖括之書書賈刻以謀利者故仿宋巾箱本式取易售耳

卷六

學

蕭德源收藏印無考

古吳蕭宋文德源氏每冊首

闕補前集目錄五六後集卷八五六

新編古賦題二函入冊諸書皆於邊野并文皆楚閩云云其

前集十卷後集八卷共十八卷無編集入名姓氏此與前部同類之書也亦仿巾箱本式標題下別行刊翠巖劉氏家塾新編兩集目錄後均有木記識語紀年爲天曆己巳庚午係元文宗初年刊行之本其書於經史子集中類纂賦題各疏本末於

下蓋爲應試者揣摩之用前集仍有未備爰纂後集以補之

明毘陵周氏藏本印記見前尚古堂印無考

毘陵周氏九松

周印

俱案文前集目錄卷三卷五卷首末卷七

迂叟藏書記

良金

二卷後集目錄卷一卷首末卷三卷四卷六卷八

尚古堂

朱文

圖書印

前集後集書錄

闕補後集卷三十一

新編事文類聚翰墨全書

十冊八十冊

卷六

吳

元劉應李編甲集十二卷乙集九卷丙集五卷丁

集五卷戊集五卷己集七卷庚集二十四卷辛集

十卷壬集十二卷癸集十一卷後甲集八卷後乙

集三卷後丙集六卷後丁集八卷後戊集九卷共

一百三十四卷前元熊禾序並全書總目及諸道

圖

考宋建安祝穆撰事文類聚一書先以羣書要語

次以古今事實次以古今文集分綱列目采摭頗

詳此本雖襲其名而所分門類二十有五皆取便

